

non solum coram Deo, sed etiam coram Ecclesia, quæ habet clavem regni cœlorum, in qua sit remissio peccatorum. Secreta quoque satisfactione solvi mortalia crimina non negamus, mutato prius sæculari habitu et indefesso religionis studio, per vitæ correctionem et iugis imo perpetuo luctu miserante Deo, ita duntaxat ut contraria pro his quæ poenitet agat. Quotidiana vero leviaque peccata sine quibus hæc vita non ducitur, Dominica oratione purgantur, quorum est dicere : « Pater noster, qui es in cœlis (Matth. vi), etc., ubi dicitur : « Dimitte nobis debita nostra, » quia ipsa eleemosyna est, per veniam homini poenitenti ignoscere. Unde Dominus ait : « Date eleemosynam, et omnia munda sunt vobis. » Multa itaque genera sunt eleemosynarum, quæ cum facimus, adjuvamur ut dimittantur nostra peccata : sed ea nihil est majus qua ex Corde dimittimus quod in nos quisque peccavit. Sunt autem quedam peccata quæ putantur levissima, nisi in Scripturis demonstrarentur opinione graviora. Quis enim dicentem fratri suo, Fatue, reum gehennæ putaret, nisi Veritas diceret? Aut quis estimaret tam magnum esse peccatum dies observare, menses et annos et tempora, sicut observant qui certis diebus, sive mensibus sive annis volunt vel nolunt aliquid inchoare, nisi Apostolus diceret : Timeo vos, ne sine causa laboraverim in vobis? Quam multa sunt alia peccata sive in loquendo de rebus et negotiis alienis, quæ ad te non pertinent; sive in vano cachinno, sive in ipsis escis quæ ad necessitatem hujus vite parantur, in quibus est avidior appetitus; sive in C

A vendendis et emendis rebus charitatis et utilitatis vota perversa? Sunt et alia bujuscemodi peccata quæ sunt verborum offensionibus et cogitationum, Jacobo dicente apostolo : « In multis enim offendimus omnes. » Oportet quotidie crebroque exoremus Dominum, atque dicamus : « Dimitte nobis debita nostra, » ne in eo quod sequitur mentiamur, « sicut et nos dimittimus debitoribus nostris. » Pro quibus etiam sacrificia eleemosynarum et jejuniorum pro suis viribus offerri non cessent. Pro illis ergo peccatis quæ legis decalogus continet, et de quibus Apostolus ait : « Quoniam neque avari, neque rapaces, neque adulteri, neque masculorum concubitores, » et cætera. « Quoniam qui talia agunt, regnum Dei non possidebunt (I Cor. xi), » illa actio poenitentiae subeunda est in qua majorem in se quisque severitatem debeat exercere, ut a seipso judicaretur a Domino. Mensuram autem temporis in agenda poenitentia idcirco non satis attente præfugunt canones pro unoquoque crimen, sed magis in arbitrio antistitis relinquendum statuunt : quia apud Deum non tam valet mensura temporis quam doloris, nec abstinentia tantum ciborum, sed mortificatio potius vitiiorum : propter quod tempore poenitentiae, fide et conversatione poenitendum abbreviando præcipiuntur et negligenter protelanda. Exstant tamen pro quibusdam culpis modi poenitentiae in canonibus impositi, juxta quos ceteræ pendendæ sunt culpæ, cum sit facile per eosdem modos vindictam et censuram canonum testimoniare.

BEATI RABANI MAURI

FULDENSIS ABBATIS ET MOGUNTINI ARCHIEPISCOPI

DE VITIIS ET VIRTUTIBUS

ET

PECCATORUM SATISFACTIONE.

PRÆFATIO.

Cogitans ergo mecum quomodo Christiano populo aliquod solarium præberem, quo melius contra antiquum hostem consilgere posset, et gratia Christi donante ad victoriam veram perveniret, excerpti de sanctorum et catholicorum Patrum scriptis aliqua testimonia unde qui vellent opuscula nostra legere, et coram quibus labor noster despectus non est, aliquod adjutorium acciperent ad regendum semetipsos et alios ad meliorem vitam corrigendos. Primum de octo principalibus vitiis et remediiis contra ea opponendis. Deinde virtutibus sacris et laude earum

* Ergo vox peculiaris auctori in librorum auspiciis.

D scribere decernimus, et sic ad veram confessionis beatitudinem, et ad poenitentia remedium stylum vertere cogitamus. Quamvis enim originalia in baptismatis munere gratia Mediatoris cuncta aboliri veraciter credantur peccata, quia sufficit illa sola spiritalis generatio : attamen cum ventum fuerit ad ætatem quæ præceptum jam capit et subdi potest legis imperio, suscipiendum est bellum contra vicia, et gerendum acriter, ne iterum educatur ad damnabilia peccata. Paucissimi autem sunt tanta felicitatis, ut ab ipsa invenire adolescentia nulla damnabilia peccata

committant, vel in flagitiis, vel in facinoribus, vel in homicidiis, vel in nefario cuiusquam impietatis errore, sed magna Spiritus largitate necessarium est opprimere quidquid in eis potest aut potuit carnalis delectatio dominari. Tunc itaque dicta vitia deputanda sunt, cum Dei amore vincuntur, quem nisi Deus ipse non donat, nec aliter nisi per mediatorem Dei et hominum Iesum Christum, qui factus est particeps mortalitatis nostræ, ut nos participes facheret divinitatis suæ. Verumtamen in gravi jugo quod positum

A est super filios Adam a die exitus de ventre matris eorum usque in diem sepulturæ in matrem omnium, etiam hoc malum miserabiliter reperitur. Ideoque sobri simus, atque intelligamus hanc vitam de peccato illo nimis nefario quod in paradiso perpetratum est, factam nobis esse penalem; totumque quod nobiscum agitur non pertinere nisi ad novi sæculi hereditatem novam, ut hic pignore acceperit illud cuius pignus est suo tempore consequamur.

LIBER PRIMUS

(Vide inter Opera Halitgarii, Patrologiæ tomo CV, col. 657.)

LIBER SECUNDUS

(Vide ibid., col. 669.)

LIBER TERTIUS.

PRÆFATIO

De mortalibus peccatis ac criminibus eorumque pœnitudine et satisfactione, seu et de octo principalium vitiiorum origine, vexatione, judiciis, objectionibus, remediisque, nec non et de pugna virtutum contra vitiiorum impugnationem, vel quibus modis cogitatione, locutione et opere perpetrantur peccata, tertius hic largiente Domino, ex dictis sanctorum Patrum defloratus, ut in prologo hujus opusculi prefati sumus, inchoat libellus. Tuis igitur meritis preclibusque animatus, studiosissime Pater, etsi non ut debeo, tamen prout potero, Deo favente, præceptis tuis satisfacere humiliiter studebo.

CAPUT I. — De gravibus mortalibusque peccatis ac criminibus eorumque pœnitudine et satisfactione.

Quæ sunt autem gravia et mortalia peccata Paulus prædicator egregius in Epistola ad Romanos cum nefandissima notaret crimina subdendo manifestavit, dicens: « Repletos omni iniustitate, malitia, fornicatione, avaritia, nequitia, plenos invidia, homicidio, contentione, dolo, malignitate, susurrones, detrectatores, Deo odibiles, contumeliosos, superbos, elatos, inventores malorum, parentibus non obedientes, insipientes, incompositos, sine affectione, absque fodere, sine misericordia, qui cum justitiam Dei cognovissent, non intellexerunt quoniam qui talia agunt digni sunt morte, non solum qui faciunt ea, sed etiam qui consentiunt facientibus (Rom. 1, 29). » Considerate igitur cum omni timore quia qui supra scripta et his similia perpetrant, vel consentiunt, crimina, nisi ante exitum vitæ per pœnitentiam et elemosynas ceteraque opera bona redimerint ea secundum beati Pauli apostoli definitio-

B nem dignissimos esse morte, id est, perpetua morte, sine remedio, morte sine fine. Nam et de mortalibus criminibus idem Apostolus in Epistola ad Galatas loquitur: « Manifesta autem sunt opera carnis, quæ sunt: fornicatio, immunditia, luxuria, idolorum servitus, veneficia, inimicitiae, contentiones, æmulaciones, iræ, rixæ, dissensiones, sectæ, invidiae, ebrietates, comessationes et his similia, quæ prædicto vobis, sicut prædicti, quoniam qui talia agunt regnum Dei non consequentur (Gal. v, 19); » non enim dixit, qui talia egerunt, regnum Dei non consecuti sunt, sed qui talia agunt, vel qui in his perseverant criminibus, regnum Dei non consequentur. Multi denique supra scripta et similia perpetraverunt crimina, et ante mortem per pœnitentiam et elemosynas et alia bona opera expurgaverunt ea, et postmodum ad regnum Dei pervenerunt, et quotidie pervenire merentur. Et in Epistola ad Ephesios idem Apostolus de peccatis criminalibus inter cetera ait: « Fornicatio autem aut omnis immunditia, aut avaritia, nec nominetur in vobis, sicut decet sanctos (Ephes. v, 3). » Et paulo post: « Hæc enim scitote, quod omnis fornicator aut immundus, aut avarus, quod est idolorum servitus, non habet hereditatem in regno Christi et Dei (Ibid. v). » De hoc et in Epistola ad Colossenses præcepit dicens: « Mortificate membra vestra, quæ sunt super terram, fornicationem, immunditiam, libidinem, concupiscentiam malam et avaritiam, quæ est simulariorum servitus, propter quæ venit ira Dei super illios incredulitatis (Coloss. iii, 5). » Is enim apostolus dilecto discipulo suo Timotheo ab hominibus qui gravibus erant vitiis irretiti, in secunda ad eumdem discipulum Epistola præcepit declinare di-

cens: « Hoc autem scito, quod in novissimis diebus, instabunt tempora periculosa et erunt homines seipso amantes, cupidi, elati, superbi, blasphemi, parentibus non obedientes, ingratii, scelesti, sine affectione, sine pace, criminatores, incontinentes, immites, sine benignitate, proditores, protervi, tumidi, voluptatum amatores magis quam Dei, habentes speciem quidem pietatis, virtutem ejus abnegantes, et hos devita (*II Tim. iii, 2*). » Nam et secundum canonum definitionem, haec sunt capitalia crimina. Primo « superbia » qua est mater et regina omnium vitiorum, sive levium sive principalium, (*Prosp.*) testante sacra Scriptura: « Initium omnis peccati superbia (*Ecli. x*). » Ipsa est enim peccatorum omnium causa, quoniam non solum peccatum est ipsa, sed etiam nullum peccatum fieri potuit, potest aut poterit sine ipsa, siquidem nihil aliud omne peccatum nisi Dei contemptus, quo ejus precepta calcantur, quem contemptum Dei nulla res alia persuadet hominibus nisi superbia. Deinde « cupiditas mala », de qua Paulus apostolus ait: « Radix omnium malorum est cupiditas (*I Tim. vi, 10*). » Cum enim Spiritus sanctus per prophetam initium omnis peccati superbiam esse pronuntiet, et per Apostolum radicem omnium malorum cupiditatem affirmet, unum idemque esse significat, quia cupiditas et superbia in tantum est malum, ut nec superbis sine cupiditate, nec sine superbia possit inveniri cupidus, solerter considerare debent qui de peccatis et vitiis tractant, quia superbia initium est omnis peccati, cupiditas vero omnium radix malorum; antea enim unaquaque res initium habet, postea radicem emitit, et tamen sicut initium et radix una eademque res est et materia, ita superbia et cupiditas, licet unum prius, alterum posterius, unum tamen est malum. Ac deinde in numero principalium vitiorum ponitur invidia perniciosissima pestis, qua semper aliena torquetur felicitate. Postmodum « ingluvies ventris, fornicatio, ira, tristitia seculi, » qua mortem operatur, « inanis gloria, avaritia, sacrilegium, » id est, « furtum sacrarum rerum, adulterium, furtum, rapina, falsum testimonium, perjurium, idololatria, ebrietas, molles, masculorum concubidores, sodomitae, maledici, homicidae. » Et inter cætera Paulus apostolus in Epistola ad Corinthios prima capitalia crimina manifestat, dicens: « Nolite, inquit, errare: neque fornicatores, neque idolis servientes, neque adulteri, neque molles, neque masculorum concubidores, neque fures, neque avari, neque ebriosi, neque malefici, neque rapaces regnum Dei possidebunt (*I Cor. i, 9*), » id est, si in istis perseveraverint criminibus. Cæterum qui ante ultimum hujus vitae diem deleverunt ea pœnitendo, et eleemosynis redemerunt, et in bonis operibus perseveraverunt, regnum Dei possidere posse credimus, et affirmamus, dicente Domino (*Matth. x, 22*): « Qui autem perseveraverit usque in finem, hic salvus erit. » (*Aug.*) Sane caveendum est ne quisquam existimet nefanda illa

A crimina, qualia qui agunt regnum Dei non possidebunt, quotidie redimenda in melius, est quippe vita mutanda et per eleemosynas de peccatis presentis est propitiandus Deus. Non ad hoc emendandum quodammodo, ut ea semper liceat impune committere. Nemini enim dedit laxamentum peccandi, quando miserando deleat jam facta peccata. Factio congrua negligatur: sane qui sceleratissime vivunt, nec curant talem vitam, moresque corrigeret, et inter ipsa facinora et flagitia sua eleemosynas frequentare non cessant, sine causa de tali opere sibi blandiuntur. Qui enī vult ordinate dare eleemosynam, a seipso debet incipere, et eam sibi primum dare, est enim eleemosyna opus misericordiae, verissimeque dictum: « Miserere animæ tuæ placens Deo (*Ecli. xxx, 24*). » Non ergo se fallant qui per eleemosynas quamlibet largissimas fructus suorum cujusque pecuniae impunitatem se emere existiment in facinorum immanitate ac flagitorum nequitia permanendi. Non solum enim haec facient, sed ita diligunt ut in eis semper optent, tantum si possint impune, versari. Qui autem diligit iniquitatem, odit animam suam; et qui odit animam suam, non est misericors sed crudelis. Diligendo eam quippe secundum seculum, odit eam secundum Deum; si ergo vellet ei dare eleemosynam, per quam illi essent munda omnia, odisset eam secundum seculum, et diligeret secundum Deum. Nemo autem dat eleemosynam qualelibet, nisi unde det, ab illo accipiat, qui non eget. (*Beda.*) Ideo dictum est: « Misericordia ejus præveniet me (*Psal. lviii, 11*). » Peccata enim mortalia, ut jam dictum est, tantum ab omni justitiae sorte discordant, tanta iniquitate patrantur, ut absque ulla contradictione factorem suum, nisi corrigantur, aeternam mergant in peccatum: de qualibus scriptum est: « Anima qua peccaverit, ipsa morietur (*Ezech. xxiii, 4, 20*), » et de qualibus apostolus dicit Paulus quoniam « qui talia agunt regnum Dei non consequentur (*Gal. v, 21*). » Unde et Joannes apostolus: « Omnis qui natus est ex Deo non peccat (*I Joan. v, 18*). » Hoc de omni crimen capitali possumus intelligere, sive qui natus est ex Deo non peccat, id est, peccatum ad mortem non perpetrat: peccatum ad mortem est peccatum usque ad tempora mortis protractum, quod peccatum omnis, qui natus est ex Deo, non peccat. Denique David rex, mortale crimen admisit, id est adulterium et homicidium, sed tamen quia ex Deo natus erat, et ad filiorum Dei societatem pertinebat, non peccavit usque ad mortem, quia sanatus veniam mox pœnitendo promeruit. Sunt enī quadam peccata qua levissima putarentur, nisi in Scripturis demonstrarentur opinione graviora. (*Aug.*) Quis enim dicentem fratri suo, Fatue, reum gehennæ putaret (*Matth. v, 22*), nisi Veritas diceret? Aut quis æstimaret quam magnum peccatum sit dies observare et menses et tempora et annos, sicut obseruant, qui certis diebus sive mensibus, sive annis volunt vel nolunt aliquid inchoare, eo quo secundum

dum vanas doctrinas hominum fausta vel infasta vestimenta tempora, nisi magnitudinem ex timore Apostoli pensaremus quando ait: « Timeo vos, ne forte sine causa laboraverim in vobis (*Gal. iv, 11*)? » Sæpe enim quædam peccata magna et horrenda cum in consuetudinem venerunt aut parva aut nulla esse creduntur, usque adeo non solum non occutanda, verum etiam prædicanda, diffamanda videantur, quando, sicut scriptum est, « Laudatur peccator in desideriis animæ suæ, et qui iniqua gerit benedicitur (*Psal. x, 2*). » Talis in divinis Scripturis iniqüitas clamor vocatur. Unde est illud in Genesi: « Clamor Sodomorum et Gomorrhæ multiplicatus est (*Gen. xviii, 20*), » quia non solum jam apud eos non puniebant illa flagitia, verum et publice veluti lege frequentabantur, unde scriptum est: « Et peccatum suum quasi Sodoma prædicaverunt, nec absconderunt illud (*Isa. iii, 9*). » Est enim hoc peccatum gravissimum, quod non solum suos autores, verum et eos quos mortiferis sermonibus et actibus ad peccandum pertrahit, perpetuam perducit ad poenam. Cum enim hoc et huic simile quisque perpetrat, tot mortibus dignus est quot ad cæteros perditionis exempla transmitit. Nemo etenim tam magnum putaret concupiscentiam libidinis esse peccatum, nisi Dominus diceret: « Qui viderit mulierem ad concupiscendum eam, jam moechatus est eam in corde suo (*Matt. v, 28*). » Quis etenim tam grande putaret esse peccatum utiliter reservare divitias, nisi Jacobus diceret apostolus (*Jac. v, 1*): « Agite nunc, divites, plorate ululanties in miseriis quæ advenient vobis? Aurum et argentum vestrum æruginavit, et ærugo eorum in testimonium vobis erit, et manducabit carnes vestras sicut ignis. » (*Greg.*) Valde etenim peccant, qui verbum sacræ prædicationis utiliter proferre possunt, et tamen sub silentio abscondunt. Unde per Salomonem dicitur: « Qui abscondit frumenta maledicitur in populis (*Prov. xi, 26*): » frumenta quippe abscondere est prædicationis sanctæ apud se verba retinere. In populis autem talis quisque maledicitur, quia in solius culpa silentii permultorum, quos corrigerem potuit, poena damnatur. Nemo enim sermonem maledictionis forsitan aliquis tam horrificum putaret esse peccatum, quamvis sectatores suos a Dei separati regno, nisi Paulus diceret apostolus: « Neque maledici regnum Dei possidebunt (*I Cor. vi*). » Est enim causa levitatis usitissimum et gravissimum peccatum, et pene nullus est qui tanto immanissimo scelere linguam restrinquit suam, neque dives, neque pauper, neque nobilis, neque sapiens, neque insipiens, neque clericus, neque laicus, neque senex, neque juvenis, neque masculus, neque femina, neque liber, neque servus; et non solum est maledicus sermo qui dicitur: Maledicat illum Dominus, aut maledicte fac hoc aut illud, aut maledictus sit; sed etiam omnis sermo qui ab hoc profertur ut infamet aliquem, aut deroget aut male commendet. Quamvis non videa-

A tur esse injuriosus, maledicus est, ut illud de caeco (*Joan. xi*): « Maledixerunt illum Judæi, et dixerunt ei: Tu discipulus illius sis. » (*Basilius.*) Aut quis crederet tristitiam sæculi mortiferum esse peccatum, nisi Paulus apostolus diceret: « Tristitia sæculi mortem operatur (*II Cor. 7, 10*)? » Tristitia sæculi est cum aliquid de rebus humanis vel quæ ad sæculum pertinent contristamur. Tristitia vero secundum Deum est, cum pro nostris proximorum que erratibus tristamur, de qua idem dicit Apostolus: « Tristitia secundum Deum salutem stabilem operatur (*Ibid.*). » Sunt et alia gravia peccata plurima de quibus per diversas sanctorum Scripturarum paginas studiosus lector, licet sparsim, si cupit, inveniet multa, quæ cum in consuetudinem C veniunt, ut supra scriptum est, aut parva aut nulla esse creduntur. Unde clarissimus doctor S. Augustinus episcopus in expositione Epistolæ S. Pauli ad Galatas, cum dolore nimio exclamare compulsa est, dicens: Væ peccatis hominum, quæ sola inusitata exhorrescimus, usitata vero pro quibus ablwendis Filii Dei sanguis effusus est, quamvis tam magna sint ut omnino claudi contra se faciant regnum Dei, sæpe vivendo omnia tolerare, sæpe tolerando nonnulla etiam facere cogimur; atque utinam, o Domine, non omnia quæ potuerimus prohibere faciamus! Nullatenus enim de ipsis criminibus, quamlibet magnis, in sancta Ecclesiæ remittendis Dei misericordia desperanda est agentibus pœnitentiæ secundum modum cujuisque peccati. In actione autem pœnitentiæ ulti-
tale commissum est ut is qui commisit a Christi etiā corpore separetur, non tam consideranda est mensura temporis quam doloris, « Cor enim contritum et humiliatum Deus non spernit (*Psal. l, 19*). » Verum quod plerumque dolor alterius cordis occultus est alteri, nec in aliorum notitiam per verba vel quæcumque alia signa procedit, cum sit coram illo cui dicitur: « Gemitus meus a te non est absconditus (*Psal. xxxvii, 10*), » recte constituantur ab his qui Ecclesiæ præsunt tempora pœnitentiæ, ut satisfiat etiam Ecclesiæ, in qua remittuntur ipsa peccata, extra eam quippe non remittuntur: cui ergo tanta est lepra gravioris peccati, ut a saluberrimo corporis et sanguinis Domini medicamento non animo, sed corpore separetur, consilio et auctoritate antistitis debet se ab altario et communione mensæ Dominicæ non desperatione sed humilitate removere ad agendam satisfactionis pœnitentiæ, et postmodum secundum canonicam institutionem auctoritate et oratione sacerdotis reconciliari. Prius enim agenda est pœnitentia, ac sic deinde hoc salutiferum sacramentum suscipiendum: « Qui enim manducaverit indigne, judicium sibi manducat et bibit (*I Cor. xi, 29*), » hoc est enim indigne accipere, si eo tempore quis accipiat, quo debet agere pœnitentiæ. (*Prop.*) At si qui in aliquo gradu ecclesiastico constituti aliquod occulte crimen admittunt, ipsi se vana persuasione decipiunt, si eis videtur propterea communicare et

officium suum implere debere, quod homines occultatione sui criminis fallunt; qui autem ea commiserint, et ideo prodere metuant, ne sententiam justæ excommunicationis accipiant, sine causa communiant, imo vero dupliciter contra se iram divinæ indignationis exaggerant, quod et honoribus innocentiam singunt, et contempto Dei judicio abstinere se ab altari propter homines erubescunt; quapropter facilius sibi Deum placabunt illi qui non humano convicti judicio, sed ultro crimen agnoscant, quia aut propriis illud confessionibus produnt, aut neScientibus aliis quales occulti sunt, ipsi in se voluntariae excommunicationis sententiam ferant, et ab altari cui ministrabant non animo, sed officio separati, vitam suam tanquam moquam agentes poenitentiam plangunt. (August.) Nam et ipsa poenitentia quando digna causa est, ut secundum morem Ecclesiæ agatur, plerumque infirmitate non agitur, quia et pudor timor est displicendi, dum plus delectat hominum existimatio, quam justitia, qua se quisque humiliat penitendo. Unde non solum cum agitur poenitentia, verum etiam, ut agatur, Dei misericordia necessaria est, alioquin non diceret Apostolus de quibusdam: « Ne forte det illis Deus poenitentiam (II Tim. ii, 25), » et ut Petrus amare fieret, præmisit evangelista et ait: « Respexit eum Dominus (Math. xxvi, 75). » [Prosper.] Porro illi quorum peccata humana notitiam latent, nec ab ipsis confessa, nec ab aliis publicata, si ea confiteri vel emendare noluerint, Deum, quem habent testem, ipsum habituri sunt et ultiorem; et quid eis prodest humanum vitare judicium, cum si in malo suo permanenserit ituri sunt in aeternum Deo retribuente supplicium? Quod si ipsi sibi judices flant, et veluti suæ iniquitatis ultiores, hic in se voluntariam poenam severissimæ animadversionis exerceant, temporalibus oboenis mutabuntur aeterna supplicia, et lacrymis ex vera cordis compunctione fluentibus restringent aeterna ignis incendia. Quicumque autem mortali criminis, sive occulto sive publico, ita sunt irretiti, quibus differenda sunt saluberrima corporis et sanguinis Domini medicamenta, ideo presumptive sine satisfactione et reconciliatione sui antistitis ad percipienda altaris sacramenta accedunt, quia multis forte vident ipsam Dominicam percipere communionem, quorum talia crimina non ignorant, et non considerant quod multi corriguntur ut Petrus, multi tolerantur ut Judas, multi nesciuntur donec veniat Dominus, et illuminet abscondita tenebrarum et manifestet cogitationes cordis. Hi autem qui aliquo mortali crimine sponte confessi, aut aliquo sive seculari sive ecclesiastico judicio accusati sunt atque convicti, et ob hoc medicinali prohibitione sequestrati sunt a Dominicâ communione, si necessitate mortis vi gente viaticum petunt et reconciliationem, nullatenus eis talis petitio denegetur. (Leo.) Multum enim utile ac necessarium est ut peccatorum reatus ante ultimum diem sacerdotali supplicatione solvatur. His autem qui in tempore necessitatis et in periculi

A urgenter instantia praesidium poenitentiae et mox reconciliationis implorant, nec satisfactio interdicenda est nec reconciliatio deneganda, quia misericordia Dei nec mensuras possumus ponere nec tempora definire, apud quem nullas patitur venire moras conversionis. (Cœlest.) Clementia enim Dei ad subveniendum morienti sufficere vel momento posse certissime credimus. Perdidisset latro in cruce præmium ad Christi dexteram pendens, si illum unius horæ poenitentia non juvisset: cum esset in pena poenituit, et per unius sermonis professionem, habitaculum paradisi, Deo promittente, promeruit. Vera ergo ad Dñm conversio in ultimis positorum mente potius est aestimanda quam tempore, propheta hoc taliter asserente: « Cum conversus ingemueris, tunc salves B eris (Ezech. xxxiii, 12); » et illud: « Peccator in quacumque die conversus fuerit, peccata ejus non reputabuntur ei (Ibid. v, 11); » et iterum: « Nole mortem peccatoris, sed ut convertatur et vivat; » et illud: « Dic tu iniurias tuas prior, ut justificeris (Isa. xlIII, 26). » Item: « quia apud Dominum misericordia est, et copiosa apud eum redemptio (Ps. cxxix, 7). » In dispensandis itaque Dei donis non debemus esse difficiles, nec accusantium genitus, lacrymasque negligere, cum ipsam poenitendi affectionem Dei credamus inspiratione conceptam, dicente Apostolo: « Ne forte det illis Deus poenitentiam ut resipiscant a diaboli laqueis (II Tim. ii, 26), » a quo capti tenentur ad ipsius voluntatem. Forum autem, ut sanctissimus martyr Cyprianus in epistola C quam scripsit ad Romanos ait, quorum vite san fine urgens exitus dilationem non potest ferre acta poenitentia et professa, frequenter suorum de festinatione factorum, si lacrymis, si gemibus, si fletibus dolentes ac vere poenitentes [dolentis ac vere poenitentis] animi signa proderint [prodiderint], cum spes vivendi secundum hominem nulla substiterit, ita demum caute et sollicite subvenitur, Deo ipso, quid de talibus faciat et qualiter judiciis suis examinet pondera; nobis tamen anxiis et curantibus ut nec pronam nostram improbi homines laudent facilitatem, nec vere poenitentes accusent nostram quasi duram crudelitatem: ipsi autem poenitentes, quorum vita incolmis esse constat, tam grandia defeat quam grandia comiserunt, et tam grande expetant consilium quam late propagatum videtur esse delictum; non sit minor medicina quam vulnus est, non sint minora remedia quam funera; et ut prodicetus martyr Cyprianus in libro de lapsis ait, Orare oportet poenitentes impensius et rogare, diem luctu transgere, vigiliis noctes ac fletibus ducere, tempus omne lacrymosis lamentationibus occupare, strato solo adhærere cineri, in cilicio et sordibus voluntari; post indumentum Christi perditum, nullum jam velle vestimentum; post diaboli cibum malle jejunium, iustis operibus incumbere, quibus peccata purgantur; eleemosynis frequenter incumbere, quibus a morte animali liberantur. Sunt etenim, ut jam dictus doctor ait in epistola ad Cornelium Romanæ urbis episcopum

tertia, qui propria non intelligunt delicta, quorum mens est percussa, animus amens et sensus alienus, quibus ira est Dei non intelligere delicta ne sequantur poenitentiam; sicut scriptum est: « Et dedit illis Deus spiritum transpunctionis, ne revertantur scilicet, » et carent et depreciationibus ac satisfactionibus justis post peccata sanentur. Paulus apostolus in Epistola sua exponit et dicit: « Delictum veritatis non habuerunt ut salvi fierent, ac propterea mittet illis Deus operationem erroris ut credant mendacio, ut judicent omnes qui non crediderint veritati, sed sibi placent in iustitia (II Thess. ii, 10). » Primus felicitatis gradus est non delinquere, secundus delicta cognoscere; illic currit innocentia integra et illibata, quæ servet; hic succedit medela, quæ sanet. Porro sunt quidam qui magnitudinem et innumerositatem suorum considerant peccatorum, et ob hoc desperantes de ineffabili et incomprehensibili omnipotentis Dei misericordia diffidunt, et idcirco nolunt agere pro peccatis et sceleribus suis poenitentiam, sed impenitentes corde in malis suis obdurati permanent, et rebelles contra Spiritus sancti gratiam infelicer existunt, de quibus ait Apostolus: « Nescis quia patientia Dei ad poenitentiam te adducit? tu autem secundum duritiam tuam et cor impenitens, thesaurizas tibi iram in die iræ et revelationis justi judicii Dei (Rom. ii, 5). » Hæc autem duritia cordis impenitentis blasphemia est in Spiritu sancto, quæ non remittetur ulli homini. Unde Dominus in Evangelio ait: « Qui dixerit blasphemiam in Spiritum sanctum, non remittetur ei (Marc. iii, 29). » De qua blasphemia cautissimus ac præclarissimus doctor Augustinus, cum de irremissibili blasphemia in Spiritum sanctum sermonem faceret ad populum, inter cetera ait: Hæc omnino impenitentia non habet remissionem, neque in hoc sæculo, neque in futuro, quia poenitentia impetrat remissionem in hoc sæculo, quæ valeat in futuro; sed ista impenitentia vel cor impenitens, quandiu quisque in hac carne vivit, non potest judicari, de nullo enim desperandum est quandiu patientia Dei ad poenitentiam dicit. Item post pauca ait: Omne prorsus peccatum et blasphemia remittetur hominibus, ubi hoc peccatum non fuerit cordis impenitentis contra Spiritum sanctum, quo in Ecclesia peccata solvuntur, cuncta alia dimittuntur: quomodo autem hoc remittetur, quod etiam remissionem impedit aliorum. Omnia ergo dimittuntur eis in quibus hoc non est quod numquam dimittetur. In quibus autem est, quoniam hoc numquam dimittetur, nec alia dimittuntur quia omnium remissio vinculo istius impeditur. De qua blasphemia, id est, impenitentia vel cor impenitens, supradictus pater Augustinus enucleatissime valdeque prolixe in sermone ad populum more solito secundum sanctorum Scripturarum affirmationem disseruit. Nemo ergo pro multitudine et enormitate suorum desperet peccatorum, sed potius confidens de misericordia Dei agat pro peccatis, dum in hoc corpore vivit, poenitentiam, ne in futuro æterni judicis examine pro

A duritia cordis impenitentis, quæ est blasphemia in Spiritum sanctum, ut jam dictum est, secundum Domini Salvatoris sententiam damnatus, absque ultra remissione existat. (Chrys.) Nullum est enim scelus et nulla iniquitas, quæ non medicamento poenitentiae sanetur, si tantummodo contrito et humiliato corde cum lacrymis, gemitibus, vigiliis, orationibus, jejuniiis, eleemosynisque, secundum virium suarum possibilitatem ad Deum, a quo peccando discessit, redat: scriptis enim præclarissimus doctor Joannes, Constantinopolitanæ Ecclesiæ episcopus, optimum valde librum de reparatione lapsi per poenitentiam, quem quicumque peccator legerit, puto quod ultra, donante Deo, pro numerositate peccatorum suorum desperare non poterit. Sed et sanctissimus martyr

Cyprianus de lapis elegantissimum scriptis librum; quorum duorum auctorum quisquis animarum medicus habuerit, et intellexerit libros congrue, in omnibus animarum vulneribus, juvante Deo, qui est medicus medicorum, salutiferam poterit apponere medicinam. Nec illud in praesenti exceptione puto esse reticendum, quod beatus Augustinus in libro de Civitate Dei quarto decimo de superbis vel occulte peccatis, inquit: Utile est in aliquo apertum manifestumque peccatum cadere unde sibi displiceant qui jam sibi placendo ceciderant. Salubrius enim Petrus sibi displicuit quando flevit, quam sibi placuit quando præsumpsit: hoc dicit et sacer Psalmus: « Imple facies eorum ignominia, et quærerent nomen tuum, Domine (Psal. LXXXII, 17). » id est, ut tu eis placeas quæreribus nomen tuum, quod sibi placuerant quærendo suum. Sed est pejor damnabiliorque superbia quærerium in peccatis manifestis suffragium excusationis, inquiretes sicut illi primi homines, quorum et illa dixit: « Serpens seduxit me, et manducavi (Gen. ii, 12), » et ille dixit: « Mulier quam dedisti sociam, ipsa mihi dedit de ligno et comedì. » Nusquam hic sonat petitio venie, nusquam imploratio medicinae. Sed et illud non est prætereundum, quod idem sanctus Augustinus ait in libro de Fide et Operibus, de his qui homines male securos faciunt, ut propter rectam fidem etiamsi in criminibus permanescent non damnentur. Caveamus, inquit, diligenter in adjutorio Domini Dei nostri non facere homines male securos, dicentes eis quod si fuerint in Christo baptizati, quomodolibet in ea fide vixerint eos ad salutem æternam esse venturos. Jacobus enim apostolus ait: « Si quis fidem dixerit se habere, opera autem non habeat, nunquid fides salvare poterit eum? Fides enim sine operibus mortua est (Jac. ii, 14). » Sicut enim fides recta absque bonis operibus nihil cuiquam prodest, ita opera bona sine fide prodesse alicui non possunt, testante sancta Scriptura: « Sine fide enim impossibile est placere Deo (Heb. xi, 6). » Ut enim fides recta sine operibus bonis salvare quemquam nequeat, idem clarissimus doctor Augustinus in libro de Baptismo quarto divinis ex testimoniis contestando affirmat dicens: Constituamus aliquem fornicatorem, immundum, luxu-

B C D E F G H I J K L M N O P Q R S T U V W X Y Z

Digitized by Google

riosum, avarum, veneficum, discordiosum, contentiousum, seditiosum, invidum, ebriosum, comessatorem, catholicum : nunquid propter hoc solum quod catholicus est, regnum Dei possidebit, agens talia de quibus sic concludit Apostolus : « Quæ prædico vobis, sicut prædixi, quoniam qui talia agunt, regnum Dei non consequentur (*Gal. v. 21*) ; » et alibi dicit : « Hoc autem scitole cognoscentes quoniam omnis fornicator aut immundus aut avarus, quod est idolorum servitus, non habet hereditatem in regno Christi et Dei (*Eph. v. 5*). » Verax est enim sancti Jacobi apostoli sententia, qua dicit : « Fides sine operibus otiosa est (*Jac. ii. 20 et 26*). » Quæritur a multis utrum parentes baptizatis parvulis noceant cum eos dæmoniorum sacrificiis sociare conantur, vel quantum in hoc ipsi parentes delinquent. Plenius de hac re sanctus Augustinus in Epistola ad Bonifacium episcopum de parvulis requirentem edocet nos dicens, qui semel generatus fuerit per aliorum spiritualiter voluntatem, deinceps non posse vinculo alienæ iniqutatis obstringi, cui nulla sua voluntate consentit. Parentes autem vel quicunque maiores filios seu quoslibet parvulos baptizatos dæmoniorum sacrilegio obligare conantur, spiritualiter homicidæ sunt. Nam in illis quidem intersectionem non faciunt, sed quantum in ipsis est, interfectores sunt. Multa alia et innumerabilia sunt testimonia in divinarum Scripturarum auctoritate de criminibus mortalibusque peccatis, quæ in presenti exceptione noster pauperculus non potuit colligere stylus. Nimirum enim longum et arduum est etiam sapientibus et apprime eruditissimis viris cuncta Veteris Novique Testamenti, catholicorumque universorum de hac materia colligere dicta : quanto magis mihi omni ex parte sermone et vita ineruditissimo. Sed quia sanctæ charitati tue inobediens, ut credo, apparere non debui, presumpsi ultra vires meas facere quod peritia mihi non ministrat, nec facultas tribuit, nec infirmitas permittit. Huc usque de gravibus mortalibusque peccatis ex multis sanctorum Scripturarum auctoribus pauca excerpta, si placet, sufficient. Nunc autem de octo principalium vitiorum origine eorumque remediiis prout auctor lucis æternæ tuis pro meritis donare dignabitur, secundum modicam capacitis meæ virtutem, ex sanctorum Patrum opusculis testimonia huic operi adjungere procurabo.

CAP. II. — *De materia octo principalium vitiorum eorumque origine sobolum.*

Humani generis creator et conditor Deus, propter inmensam pietatis suæ misericordiam volens liberare populum suum a presentibus perpetuisque malis et ad vitam feliciter perducere felicem, dat præcepta ac salutaria monita quæ agere vel observare debeat, unde inter cætera præcepta Deuteronomium ait Israeli (*Deut. vi. 10*) : « Cum introducerit te Dominus Deus tuus in terram quam possessurus es ingredieris et deleverit gentes multas coram te et Iheum et Gergeseum et Amorrheum et Cananæum et Ferrezeum et Eveum et Hebuzeum septemque gen-

A tes multo maiores numeri quam tu es et robustioris, tradideritque eos Dominus tibi percuti eos usque ad internacionem. » (*Cass.*) Septem istæ gentes septem sunt principalia vitia, quæ per gratiam Dei unusquisque spiritualis miles exsuperans exterminare penitus admonetur ; quod vero maiores numeri esse dicuntur, hæc ratio est, quia plura sunt virtutia quam virtutes, et ideo in catalogo quidem diminuerantur septem nationes, in expugnatione vero earum sine numeri ascriptione ponuntur. Ita enim dicitur : « Et deleverit gentes multas coram te. » Numerosior est enim quam Israel carnalium passionum populus, qui de hoc septenario somite vitiorum ac radice procedit. De gastrimargia namque nascentur comessationes, ebrietates. De fornicatione, turbiloquia, scurrilitas, ludicra atque stultiloquia. De philargyria, mendacium, fraudatio, furtæ, perjuræ, turpis lucri appetitus, falsa testimonio, violentia, inhumanitas, ac rapacitas. De ira, homicidia, clamor, et indignatio. De tristitia rancor, pusillanimitas, amaritudo, desperatio. De acedia, otiositas, somnolentia, importunitas, inquietudo, pervagatio, instabilitas mentis et corporis, verbositas et curiositas. De coendoxia, contentiones, hæreses, jactantia, et præsumptio novitatum. De superbia contemptus, invidia, inobedientia, blasphemia, murmuratio, detractio, aliaque quamplura similia, quæ cum sint, multo majoris numeri quam virtutes. Devictis tamen illis septem principalibus vitiis, ex quorum natura ista procedunt, omnes protinus conquiescent ac perpetua pariter cum his internecione deleantur. Quod autem hæ pestes etiam robustiores sint, manifeste naturæ ipsius impugnatione sentimus ; fortis enim militat in membris nostris oblectatio passionum carnalium quam studia virtutum, quæ non nisi summa contritione cordis et corporis acquirentur. Quod vero istarum perniciosarum gentium regiones salubriter possidere præcipimur, ita intelligitur : habet enim unumquodque vitium in corde nostro propriam stationem ; sed si cum Israelis populo, id est, virtutibus contra se dimicantibus fuerint vita superata, locum quem sibi in corde nostro concupiscentia vel fornicationis spiritus retentabat, deinceps castitas obtinebit ; quem furor ceperas patientia vindicabit ; quem tristitia morte operante occupaverat, salutaris et plena gaudio lætitia possidebit ; quem accidia vastabat, incipit excolere fortitudo ; quem superbia conculcabat, incipit excolere humilitas, et ita singulis vitiis expulsis eorum loca, id est, affectus contrarios possidebunt filii Israel, id est, animæ videntes Deum. Illud vero quod cum Abraham de futuris Dominus loqueretur, non septem gentes legitur dinumerasse sed decem, quarum terra semini ejus danda promittitur : qui numerus adjecta idolatria gentium, blasphemia Judeorum, errore hereticorum, evidentissime adimpletur, quibus ante notitiam Dei et gratiam baptismi, vel impia gentilium, vel blasphemæ Judeorum multitudo subjecta est, donec intellectuali Aegypto commora-

tur. Si autem abrenuntians quis et egressus inde per Dei gratiam ad eremum pervenerit spiritalem, de impugnatione trium gentium liberatur, contra septem tantum quæ per Moysem dinumerantur bella suscipiet. Hactenus hæc pauca de octo principalibus vitiis Cassiani facundissimi doctoris sunt dicta, queritur autem cur Cassianus et Gregorius in Catalogo eorumdem principalium vitiorum inter se dissentiant, ita ut Cassianus in eorum numero philartryam et acediam adnumeret : econtra Gregorius non hæc duo vicia, philartryam scilicet et acediam in eorum ponit numero, sed invidiam et avaritiam inter eadem adnumerat vicia, quod Cassianus nullatenus facit; ait enim Cassianus quod adversus octo principalia vicia, adjuvante Domino, collectationem debemus arripere. Sunt autem hæc : primum gastrimargiæ vitium, quod interpretatur gula concupiscentia vel ingluvies ventris; secundum fornicationis; tertium philartryæ, quod intelligitur avaritia, vel, ut proprius exprimatur, amor pecuniae. Quartum iræ, quintum tristitia, sextum acedia, quod est anxietas sive tedium cordis; septimum cœnodoxiæ, quod interpretatur vana gloria; octavum superbiam. Beatus autem Papa Gregorius ita principalia vicia dinumerat et describit in ordine : Primum superbia, secundum inanis gloria, tertium invidia, quartum ira, quintum tristitia, sextum avaritia, septimum ventris ingluvies, octavum luxuria. Soluta est autem veraciter ab eruditis doctoribus ita hæc quæstio : Avaritia, inquiunt, quæ in Græco dicitur philartryia. Unde et Cassianus : Non solum eam Apostolus radicem esse omnium malorum. verum etiam idolorum servitutem pronuntiavit, dicens : Et avaritia, quod in Græco dicitur philartryia, « quæ est simulacrorum servitus (Col. iii, 5). » Claret autem quia hi duo doctores, Gregorius et Cassianus, quamvis unus diceret philartryam, alter avaritiam, nullatenus inter se in hoc nomine discrepaverunt, quia unum est avaritia et philartryia. Invidiam autem quam Cassianus inter cætera vicia non dinumeravit, dicunt sub titulo superbie eam intellexisse, ideo quia diabolus per superbiam de cœlo decidisset, invidendo autem de sedibus paradisi, primos homines expulisset, ob hoc unum volunt esse morbum; unde Prosper ait : In tantum unum est malum ut nec superbis sine invidia, nec invidis sine superbis possit inveniri : Acediam autem unde Gregorius in supra dicta principalium vitiorum dinumeratione nil dixit, aiunt eam sub tristitia nomine intelligere voluisse, unde et Cassianus : Acedia, quam nos, inquit, tedium sive anxietatem cordis possumus nuncupare affinis est tristitia. His autem sententiis manifeste probatur quia Gregorius et Cassianus de octo principalibus vitiis uniformiter senserunt. Quæritur et illud cur Gregorius in ipsa vitiorum adnumeratione primum vitium superbiam ponit, et Cassianus ultimum, ipse enim dicit : Licet morbus superbie octavus et ultimus sit, in conflictu vitiorum atque in ordine ponatur extremus, origine tamen et tempore orimus

A est; item alio loco, cum sit superbia posterior in ordine conflictuum, origine tamen anteriorem esse omnium peccatorum et criminum principium, et cunctarum interfectorum virtutum. Abhinc quemadmodum ipsa octo principalia vicia eorumque soboles a beato Papa Gregorio in expositione beati Job, posita sunt et ordinatim praefixa, juvante Domino, persequamur. Ait enim : Vicia quippe tentantia quæ invisibili contra nos prælio repugnant super se superbie militant, alia more ducum præeunt, alia more exercitus, subsequuntur, ipsa namque vitiorum regina superbia, cum devictum plene cor cœperit, inox illud septem principalibus vitiis quasi quibusdam suis ducibus devastandum tradit, quos videlicet duces exercitus sequitur, quia ex iis procul dubio importunæ vitiorum multitudines oriuntur, quod melius ostendimus, si ipsos duces, atque exercitus ut possumus enumerando proferamus. Radix quippe cuncti mali superbia est, de qua Scriptura attestante dicitur : « Initium omnis peccati superbia (Eccl. x, 15). » De hac quoque virulenta radice septem principalia vicia proferuntur, scilicet inanis gloria, invidia, ira, tristitia, avaritia, ventris ingluvies, luxuria. Nam quia his septem superbie vitiis nos captos doluit, idcirco Redemptor noster ad spiritualis liberationis prælium Spiritu septiformis gratiae plenus venit. Sed habent contra hæc singula exercitum suum. Nam de inani gloria hæc oriuntur : inobedientia, jactantia, hypocrisy, contentiones, pertinacia, discordia et nominalismus presumptiones. C De invidia, odium, susuratio, detractio, exsultatio in adversis proximi, afflictio autem in prosperis nascitur; de ira rixa, tumor mentis, contumelie, clamor, indignatio, blasphemie, proferuntur; de tristitia, malitia, rancor, pusillanimitas, desperatio, torpor circa precepta, vagatio mentis erga illicita nascitur. De avaritia, proditio, fraus, fallacia, perjuria, inquietudo, violentia, et contra misericordiam obdurations cordis oriuntur; de ventris ingluvie, inepta latitia, scurrilitas, immunditia, multiloquium, hebetudo sensus circa intelligentiam propagatur; de luxuria, cœcitas mentis, inconsiderantia, inconstantia, precipitatio, amor sui, odium Dei, affectus presentis sæculi, horror vel desperatio futuri generatur. Quia ergo septem principalia tantam de se vitiorum multitudinem proferunt, cum ad cor veniunt, quasi subsequentis exercitus catervas trahunt, ex quibus videlicet septem quinque spiritualia, duoque carnalia sunt, sed unumquodque eorum tanta sibi cognatione jungitur ut non nisi unum de altero proferatur; prima namque superbie soboles inanis est gloria, quæ dum oppressam mentem corruperit, mox invidiam gignit, quia nimis dum vani nominis potentiam appetit, ne quis hanc alias adipisci valeat tabescit. *Invidia* quoque iram generat, quia quanto interno livoris vulnere animus sauciatur, tanto etiam mansuetudo, tranquillitas amittitur, et quia quasi dolens membrum tangitur, idcirco oppositæ actionis manus velut gravius pressa

sentitur; ex ira quoque tristitia oritur, quia turbata mens, quo inordinate se concutit, eo addicendo confundit, et cum dulcedinem tranquillitatis amiserit, nihil hanc nisi ex perturbatione subsequens mœror pascit; tristitia quoque ab avaritia derivatur, quia dum confessum cor bonum lætitiae intus amiserit, unde consolari debeat, foras querit, et tanto magis exteriora bona adipisci desiderat, quanto non habet ad quid intrinsecus recurrat. Posthæc vero, duo carnalia vitia, id est, ventris ingluvies et luxuria supersunt: sed cunctis liquet quod de ventris ingluvie luxuria nascitur, dum in ipsa distributione membrorum ventri genitalia subnixa videantur, unde dum unum inordinate reficitur, aliud procul dubio ad contumelias excitatur. Bene autem duces exhortari dicti sunt, exercitus ululare, quia prima vitia deceptæ menti quasi sub quadam ratione se inserunt, sed innumera quæ sequuntur, dum hanc ad omnem insaniam pertrahunt, quasi bestiali clamore confundunt. Sed quia huc usque de octo principaliibus vitiis pauca carpendo depropensiatus, deinceps necessarium valde reor ut ex multis sanctorum patrum opusculis latius secundum quid Dominus dare dignabitur, primum origines et naturas eorumdem, tamen minutus, tam obscuras investigemus. Deinde causas et vexationes eorum, ac de numeris idoneas curationes eorum ac remedia, ut ceperimus carpendo indagemus

CAP. III. — *De natura et origine superbie.*

(Cass.) Quemadmodum vero hujus morbi virus perniciosissimum devitemus instrui poterimus, si ruina ipsius causas atque originem persequamur. Nunquam enim curari languor, nec reuedia poterunt malis valetudinibus exhiberi, nisi prius inquisitione sagaci origines earum investigentur et cause. Archangelus namque ille qui pro animitate splendoris ac decoris sui lucifer uncupatus est, nullo alio quam superbie vitio dejectus est de illa beata angelorum statione, et ad inferna collapsus. Hic namque indutus divina claritate, et inter ceteras supernas virtutes conditoris largitate præfulgens, splendorem sapientiae et virtutum pulchritudinem, qua ornabatur gratia creatoris, naturæ sue potentia, non munificentia illius beneficio, se creditit obtinere, et ob hoc elatus tanquam qui ad perseverantium puritatis hujus divino non egeret auxilio Deo se similem judicavit, haec enim sola cogitatio facta ruina est. Ob quam desertus a Deo beatitudinem qua Dei munere fruebatur amisit. Haec est primæ ruina causa et origo principalis morbi, omnium etenim vitorum somites de superbia pullularunt testante sacra Scriptura: « Initium omnis peccati superbia (Eccles. x, 15). » Non alicuius, sed omnis peccatum non solum peccatum est ipsa, ut Prosper ait, sed etiam nullum peccatum fieri potest aut potuit vel poterit sine ipsa. Haec enim est natura et origo superbie per quam inventor superbie de coelestibus corruit, et postmodum prius homines cor-

A rupt et omne genus humanum de immortalitate ad mortalitatem adduxit, de quo dicit Apostolus: « Per unum hominem peccatum intravit in mundum, et per peccatum mors, et ita in omnes homines pertransiit. »

CAP. IV. — *Quod superbie duo sint genera.*

(Cass.) Duo sunt genera superbie; unum, quæ spiritales summosque pulsat, aliud quod incipientes carnalesque complectitur: et licet utrumque superbie genus tam in Deum quam in homines noxia inflet elatio, tamen illud primum specialiter referat ad Deum; secundum ad homines proprie pertinet, quia enim, ut dictum est, duo sunt superbie genera: una videlicet superbia dicatur spiritalis, eo quod spiritales sanctosque homines pulsat; altera carnales, quæ carnales impugnat. Sed primum de spiritali superbia dicendum est: illos enim solummodo pulsare solet spiritalis superbia, qui devictis superioribus vitiis jani propemodum sunt in virtutum culmine collocati, quos quia lapsu carnali subtilissimus hostis superare non quivit, spiritali ruina dejicere ac supplantare conatur, per hanc illos universis veterum stipendiiorum meritis multo labore quæsis spoliare contendens. Carnalis autem superbia carnales inobedientes facit et asperos, mites atque affabiles esse non patitur. Vitam eis facit longævam, et ne confessionem de peccatis faciant confusionem incutit, ac pudorem, pro suis negligentiis objurgati rebellant et murmurant; et quid amplius? cum miserabilem possederit mentem, ad veram Christi beatitudinem descendere non permittit, de cuius miserrimo lapsu plura dicere curabimus cum de ejus indicis tractare cooperimus.

CAP. V. — *Quod tantum sit malum superbie ut ipsum Deum adversarium habere mereatur.*

(Cass.) Tantum malum est superbia, ut non angelum, non alias virtutes sibi contrarias, sed ipsum Dominum adversarium habere mereatur, testante Scriptura, « Deus superbis adversatur»; et iterum: « Immundus est apud Deum omnis qui exaltat cor suum; » notandum siquidem est, quod nequam dixerit super his qui ceteris sunt vitiis involuti, quod habeant sibi Dominum resistentem, sed sibi superbis.

CAP. VI. — *Qualiter superbia superbos vexat.*

(Cass.) Illis enim quos vexat superbia non opportunitas est sermo, sed risus levis ac fatuus, effrenata atque indisciplinata cordis elatio, discipulos contra sanctos Ecclesiarum Dei rectores incautos reddit et elatos, sequaces suos in prosperitate facit elatos, in adversitate desperantes et tristes, in oratione tardos, in vigiliis pigros, in eleemosynarum largitate tenaces, in jejuniis avidos, in obedientia desides, in hospitalitate inhumanos, et quid amplius? in omnibus bonis in honestos et immisericordes reddit.

CAP. VII. — *Quibus indicis possit superbia cognosci.*

(Cass.) His igitur indicis superbia declaratur,

inest primitus in loquela vis clamoris, in taciturnitate, amaritudo, excelsus et effusus in laetitia risus irrationabilis, in serietate tristitia, in responsione rancor, facilitas in sermone, verba passim sine ulla cordis gravitate erumpentia, expers patientia est, charitas aliena, audax ad contumelias irrogandas, ad tolerandas pusillanimis, ad obediendum difficilis, ad recipiendam exhortationem implacabilis, ad resecandas voluntates suas infirma, ad succumbendum alienis dirissima, semperque suas definitiones statuere contendens, ipsa vero nequaquam cedere, locumque dare alteri acquiescens; et ita sit ut etiam capax consilii salubris effecta, in omnibus suo potius credit quam seniorum judicio, unde et Prosper ait: *Hi quos superbiae mentis tabes virulente corrumperit seniorum suorum non obtemperant imperatis, sed judicant, de suis negligentias objurgati, aut rebellant, aut murmurant, de loco superiori decerant, praeferriri se melioribus affectant, suas sententias procaciter jactant, non servant in obsequio reverentiam, hæc sunt superbiae tumoris indicia, quibus Deus offenditur et his malis diabolus pastus exultat.*

CAP. VIII. — *Quod nullum vitium tam declinat a mandatis Dei quam superbia et ipsa magis iram Domini provocat.*

(*Hilar.*) In expositione cujusdam psalmi excellentissimus valde doctor Hilarius Pictaviensis episcopus cum dolore proclamat dicens: *o infelix superbia, quæ designatur sub præceptis cœlestibus vivere, quæ mandata divina animi infidelis tumore fastidit. Plurima sunt humanorum vitorum crimina, et diversæ atque innumerabiles peccatorum operationes, sed nulla magis provocandæ in nos Dei ire quam superbia causa est. Per superbiam enim plures humana contemnunt, et Deo obsequi spernunt, sed licet sint præclaræ cætera fidei opera, et in omni divinorum præceptorum custodia devotio immoretur, tamen subrepente superbia, memoria eorum, quæ recte operamur, abolebitur, per hanc Phariseus ille evangælicus dicendo: « Non sum peccator sicut hic publicanus (*Luc. xviii, 11*), ex ingentibus operibus cecidit in crimen. Apostolus enim Paulus angelum Satanæ qui se colaphizaret accepit (*I Cor. xii, 7*): ne magnitudine revelationum extolleretur. (*Cass.*)* Est enim superbia gravissimum vitium, per quam humana despiciimus et divina negligimus, ipsa pariter omnes exaurit virtutes, ipsa hominem justitiam et sanctitatem exspoliat, ipsa est interfictrix cunctarum virtutum, ipsa est sævissima et superioribus cunctis immanior bestia, sine qua nullum fuit aut est aut esse poterit peccatum: « Initium, inquit, omnis peccati superbia (*Ecli. x, 15*). [Prosp.] Nil est enim aliud omne peccatum nisi Dei contemptus, quo ejus præcepta calcantur. Denique ipse diabolus inventor superbiae per ipsam de cœlestibus corruit, quem Deus fecerat sine ullo peccato, et hæc est omnium malorum causa, per hanc versus serpens diabolus primum parentem interemit, per hanc mortem in-

A tulit mundo. Est enim superbia mater et regina vitorum, cuius rex est diabolus, dicente Scriptura: « Ipse est rex super universos filios superbia (*Job xli, 25*). »

CAP. IX. — *Objectio vel increpatio adversus superbos diversa super hoc testimonia.*

Dicendum itaque est superbis: « Ut quid superbis terra et cinis (*Ecli. x, 9*); et illud: Deus superbis resistit (*I Petr. v, 5*); et illud: Immundus est apud Deum omnis qui exaltat cor suum; et illud: Omnis qui se exaltat humiliabitur (*Luc. xiv, 11*); et illud: Ante ruinam exaltatur spiritus (*Prov. xvi, 18*); et illud: Dominus alta a longe cognoscit (*Psal. cxxxvi, 7*); et illud: Initium omnis peccati superbia (*Ecli. x, 15*). » Deus humilis factus est, erubescat homo esse superbus. Occasio igitur perditionis nostræ facta est superbia diaboli, et argumentum redemptionis nostræ inventa est humilitas Dei, hostis enim noster inter omnia conditus videri supra omnia voluit elatus: Redemptor autem noster magnus manens super omnia, fieri inter omnia dignatus est parvus. Ergo dicatur humilibus, quia dum se dejiciunt ad Dei similitudinem ascendunt. Dicatur elatis, quia dum se erigunt in apostatæ angeli imitationem cadunt.

CAP. X. — *Quemadmodum superbiam superare possumus.*

Itaque hunc nequissimi spiritus laqueum taliter poterimus evadere, si in singulis quibus senserimus nos virtutibus profecisse, illud apostolicum dixerimus: « Non ego, sed gratia Dei mecum, et gratia Dei sum quod sum, et Deum esse qui operatur in nobis et velle et perficere pro bona voluntate (*I Cor. xv, 10*); » dicente etiam ipso auctore salutis nostræ: « Qui manet in me et ego in illo, hic fe t fructum multum, quia sine me nihil potest facere (*Philip. ii, 13*; *Joan. xv, 5*), et cætera talia. Superbia enim omnium de populatrix virtutum per veram potest east'ngui humilitatem, ideoque universitas creator et medicus Deus causam principiunque morborum superbiam esse cognoceens, contrariis sanare contra ia procuravit, ut ea scilicet, quæ per superbiam corruerant, per humilitatem resurerent. Diabolus namque dicit: « In cœlum concendam (*Isa. xiv, 13*); » Dominus dicit: « Humiliata est in terra anima mea (*Psal. xliii, 25*); » ille dicit: « Ero similis Altissimo (*Isa. xiv, 14*); » D minus, « cum esset in forma Dei exinanivit semet'psum, formam servi accipiens, humiliavitque se factus obediens usque ad mortem (*Phil. ii, 7*); » ille dicit: « Super astra Dei exaltabo solium meum (*Isa. xiv, 13*); » iste dicit: « Discite à me quia mitis sum et humiliis corde (*Matth. xi, 29*). » Si principalis ruinæ causam et salutis nostræ fundamenta perspeximus, a quo et qualiter vel ista jacta sint, vel illa emerserint, quemadmodum devitare tam atrocem mortem superbiae debemus, vel illius ruina vel illius doceamus exemplo,

CAP. XI. — *Remedia adversus morbum superbiae.*

(*Cass.*) Si superbiam ferocissimam bestiam et de voratricem cunctarum virtutum omnimodis festinamus extinguiere, nosmetipso omnibus hominibus inferiores judicemus, et viliores et universa, quæ nobis fuerint irrogata, et si sint injuriosa vel tristia, vel damnosa, tanquam a superioribus nostris illata patientissime toleremus, et mente jugiter recolamus vel Domini nostri vel sanctorum ejus passiones, considerantes tanto levioribus nos injuriis attentari, quanto longius a meritis eorum et conversatione distamus. Pariter etiam cogitantes cito nos de hoc saeculo migraturos. Deinde posthac hanc eamdem humilitatem erga Dominum firmissime retentemus, quod a nobis ita complebitur ut nihil nosmetipso absque illius opitulatione vel gratia quod ad virtutum consummationem pertinet posse perficere cognoscamus, sed et hoc ipsum quod intelligere meruimus ejus esse muneris in veritate credamus. Nam et sanctus pater Basilius de curatione et remejo superbie sic ait, impossibile est curari hoc vitium nisi abstrahat se et recedat ab omnibus occasionibus elationis, sicut impossibile est extingui linguae aliquius vel gentis loquela vel artificium aliquid, nisi quis omni genere se abstrahat non solum ab agendo vel loquendo vel movendo, sed etiam ab audiendo eos, qui agunt id, quod obliisci cupit, et hoc observandum de omnibus vitiis.

CAP. XII. — *De natura et origine inanis gloriae.*

(*Cass.*) Cenodoxia, quam nos vanam sive inanem gloriam appellamus, multiformis et varia atque subtilis est passio, ita ut quibuslibet perspicacissimis oculis non dicam caveri, sed provideri et deprehendi vix possit. Nascitur enim, ut dictum est, ex superbia, per hoc enim vanitatis vitium diabolus de angelica est ejectus beatitudine cum diceret: « Ero similis Altissimo (*Isa. xiv, 14*), » et per hunc inanis gloriae morbum primos homines decepit cum eis diceret: « Eritis sicut dei, scientes bonum et malum (*Gen. iii, 5*). » Est enim inanis gloria multiplex et multiformis, ac varia, ut dictum est, passio, undique bellatore ex omni parte victori occursens. Nam et in habitu et in forma et in incessu, in voce, in opere, in vigiliis, in oratione, in remotione, in lectione, in scientia, in taciturnitate, in obedientia, in humilitate, in longanimitate, Christianum vulnerare conatur, per hoc vanitatis vitium decipitur, quisquis in bonis suis laudari desiderat, et non Domino Deo honorem et laudem et gratiarum actiones refert. Nec divinae imputat gratiae, quidquid boni cogitavit aut dixit, vel fecit, sed quasi ex se habeat, quod recte cogitavit, vel dixit, vel opere implevit, seu et dignitatem et sublimitatem terreni honoris vel spiritualis decorum sapientiae, vel ex suo merito, vel ex suo studio, acquisisse se gloriatur, dum nemo hominum potuit, potest aut poterit boni quidquam absque Dei gratia vel adjutorio vel inspiratione cogitare, vel dicere, vel facere, vel habere, sicut Dominus in

A Evangelio discipulis suis ait: « Sine me nihil potestis facere (*Joan. xv, 5*). »

CAP. XIII. — *Qua comparatione monstretur natura cenodoxiae, id est, inanis gloriae*

(*Cass.*) Pulchre seniores naturam morbi hujus in modum cæpæ pultorumque describunt, quæ uno decorata tegmine, alio rursum inveniuntur indestas, totiesque reperiuntur obiecta, quoties fuerint expli- cata.

CAP. XIV. — *Qualiter vel quibus modis inanis gloriae scatentes suos pulsat ac vexet.*

(*Cass.*) Non solum enim ut cætera vicia in parte carnali, sed etiam in spiritali hominem pulsat, subtiliore se nequitia ingerens menti, et quem non potest carnalibus vitiis decipere, de spiritalibus bonis conatur sauciare, tantoque est perniciosior ad conflictum quanto obscurior ad cavendum. A dextris enim et a sinistris Christianum impugnare non cessat. Ait enim sapientissimus Salomon: « Ne divertaris ad dextram vel ad sinistram (*Prov. iv, 27*). » Qui enim se de virtutibus et operibus bonis extollit et inaniter blandiuntur, ad dextram divertuntur; qui vero de vitiis gloriam sibi in sua confusione conquerunt, ad sinistram per elationis et inanis gloriae vitium divertuntur. Quem de specie succinet ac nitide vestis cenodoxia non potuit generare, pro squalida et inculta ac viliore conatur inferre, quem non potuit per honorem dejicere, humilitate supplantat, quem scientiae et locutionis ornatu non potest extollere, gravitate taciturnitatis elidit, si jejunet, palam gloria vanitatis pulsatur, si illud contemnenda gloria causa contexerit, eodem viti elationis obtunditur, ne vanæ gloria contagione maculetur, orationes oecultas exercet, et quod vulnus habeat hujus facti conscientia non effugit accedes vanitatis. Hic enim morbus nec eos, qui in solitudine cunctorum mortaliū consortia gloriae caesa fugerunt, persequi cessat, quantoque amplius universum quis dispexerit mundum, tantum alacris persequitur et insectatur, alium quod patientissimum sit operum ac laboris, alium quod ad obedientium promptissimum, alium quod humilitate cæteros præponderet, conatur extollere, aliis scientiae, aliis lectionis, aliis vigiliarum prolixitate tentatur, solet autem hic vanæ gloriae morbus quosdam in clericali ordine constitutos propter sonum vocis extollere, eo quod latius psallant, aut quod sint forma corporis decori, aut quod parentes divites ac nobiles habeant, aut quod sint eruditii sapientia, aut quod eloquentes et facundissimi in sermone, aut quod sint diversis imbuti artibus et disciplinis, et quid amplius? semper haec vanitatis pestis ad hoc hominem tam clericum quam laicum, tam virum quam feminam, tam senein quam juvenem impugnat, ut de bonis, quæ agit, laudem ab hominibus requirat.

CAP. XV. — *Quibus indiciis possit inanis gloria cognosci.*

(*Basil.*) His enim indiciis inanis gloria cognoscitur,

cum quis præsentibus illis qui laudare possunt, ali- A quid agit operis boni. Nullo autem tali præsente vel etiam his qui vituperare possunt segnis esse et pi- grior in opere, si enim Domino placere vellet semper utique et in omni loco idem esset, eadem gereret, adimplens quod scriptum est, per arma justitiae a dextris et a sinistris per gloriam et ignobilitatem, per infamiam et bonam famam, ut seductores et veraces. Est enim vanitas inflata quedam circa delectationes varias animi languentis affectio, potiendi honoris accida simul et nescia, morbo excellentiæ inanis inflata, turbulenta, animorum levium domina, male fundatis omnibus blanda, repugnantibus fumea, capiendis seductoria, captivis invicta, simulatio quedam virtutum, appetitio dignitatum, dulcis misericordia, amara perfectis. Cui serviunt timidi, sub qua jacent elati, qui se de operibus, quorum sibi consciæ non sunt turpiter jactant, qui se prædicari ab hominibus per nefas affectant, qui sanctos viros sui comparatione depretiant, his et similibus delinitos vanitas premit, nec eos morbum suum sentire aut ad medicum venire permittit, et quid est ad medicum venire, nisi infirmum suas infirmitates cognoscere? tantamque eos ardor humanæ laudis inflammat, ut laboriosa opera quæ populus admiretur, et quibus fama diffunditur, sine labore suscipiant, et libenter exerceant, inde est quod jejunare, abstinere, vigilare, Ecclesiam frequentare, vel psallere, cum hæc omnia sine labore non faciunt, etiam cum delectatione faciunt, ut ab hominibus, quibus placere, non Deo, desiderant, videantur, unde veritas ait: « Amen, dico vobis, receperunt mercedem suam. » (Mauth. vi, 2 et 5.)

CAP. XVI. — Increpatio adversus eos qui inanis gloriæ morbo vexantur, diversa super hoc testimonia.

(Cass. et Hieron.) Egregius prædicator Paulus monet dicens: « Nolite fieri inanis gloriæ cupidi (Gal. v, 26); » et Dominus Pharisæos castigans: « Quomodo, » inquit, « potestis vos credere qui gloriam ab invicem accipitis, et gloriam quæ a solo Deo est non queritis? » (Joan. v, 44.) De his et beatus David cum interminatione dicit: « Quoniam Deus dissipavit ossa hominum sibi placentium (Psal. lxx, 6). » (Hieron.) Idem propheta docet non nostram sed Domini gloriam esse deprecandam cum orando dicit: « Non nobis, Domine, non nobis, sed nomini tuo da gloriam (Psal. cxiii, 1); » Et Paulus apostolus: « Qui gloriatur, in Domino gloriatur (I Cor. i, 31). » Et illud: « Gratia Dei sum id quod sum (I Cor. xv, 10). » His autem sententiis eruditus cave, o inanis gloriæ cupide, ut de bonis, quæ agis laudem ab hominibus non requiras; firmiter autem crede, quamvis eleemosynas multas facias aut longas orationes, aut jejunia multa, aut castitatem aut virginitatem custodias, aut qualunque bona facias, si propter laudes hominum agis, a Deo mercedem pro his bonis nullatenus recipies.

CAP. XVII. Remedia quibus inanem gloriam superare possimus.

(Cass.) Tali autem remedio hanc multiformem variamque inanis gloriæ bestiam poterimus evadere, si cogitemus illud Davidicum eloquium: « Dominus dissipavit ossa eorum qui hominibus placent (Psal. lxx, 6), » primitus nihil pro vanitatis et inanis gloriæ caplendæ gratia faciamus. Deinde ea quæ bono initio fecerimus observatione simili custodiare nitatur, ne omnes laborum nostrorum fructus post irrepons cenodoxiaæ morbus evacuet, etenim ea quæ nos possunt inter cæteros notabiles reddere, ac velut solis facientibus laus apud homines sit conquirenda, vitemus. Nam et ad hunc evitandum morbum necesse est ut consideremus non solum fructus laborum nostrorum nos amissuros quoquaque inanis gloriæ proposito fecerimus, sed etiam reos magni criminis factos æterna supplicia, veluti sacrilegos, solaturos, utpote qui ad injuriam Dei opus, quod ejus obtentu nos oportuit agere, hominum gratia maluimus exercere, ab eo, qui occultorum est conscius, homines Deo et gloriam mundi gloriæ Domini prætulisse convicti. Est etenim hujus vitiæ medicina, prout sanctus Basilius episcopus ait, ut omnia propter Deum et ex mandato ejus faciamus bona, et in nullo sectemur hominum laudes, et item alio loco, si certus sit quis de præsencia Dei et fixam habeat sollicitudinem Deo placendi, et multo desiderio teneatur earum beatitudinem quæ a Domino re promissa sunt, ab hoc vanitatis iuvante Domino poterit curari vitio.

CAP. XVIII. — De natura et origine invidiæ.

(Cypri.) Nihil magis Christiano cavendum est, nihil cautius providendum, quam ne quis invidia et livore capiatur, ne quis fallentis inimici cæcis laqueis implicatus, dum zelo frater in fratris odio convertitur, gladio suo nescius ipse perimatur. Quod ut colligere plenus et manifestius perspicere possimus, ad caput ejus atque ad originem recurrimus. Videamus unde invidia et zelus et quando et quomodo cepерit, facilius enim a nobis malum tam perniciosum vitabitur, si ejusdem mali et origo et magnitudo noscatur. Hinc diabolus inter initia stantis mundi et perit primus et perdidit, ille angelica majestate subinxus, ille Deo acceptus et charus, per quam hominem ad imaginem Dei factum conspexit, in zelum malevoli livore pro rupit, non prius alterum dejiciens. instinctu zeli, quam ipse zelo ante dejectus. Captivus antequam capiens, perditus antequam perdens, dum stimulante labore homini gratiam immortalitatis eripit, ipse quoque id quod prius fuerat amisit: exinde invidia grassatur in terris, dum labore peritus magisterio perditionis obsequitur, dum diabolum, qui invidit, imitatur, sicut scriptum est: « Invidia autem diaboli mors introivit in orbem terrarum (Sap. ii, 24), » imitantur ergo illum, qui sunt ex parte ejus, hinc parricidia nefanda cœperunt, dum Abel justum Cain invidit injustus, et Esau fratrem suum Jacob

invidendo inimicus exstitit. Et Joseph ab inividis fratribus est venditus, et Saul rex invidendo est persecutus David, et Iudei inde perierunt, dum Christo malunt invidere quam credere.

CAP. XIX. — Qualiter invidos vexat invidia.

Nemo existimet malum istud una specie contineri aut brevibus terminis et angusto concludi, late patet zeli multiplex et secunda perniciies, radix est malorum omnium, fons grandium [Al., generalium], seminarium delictorum, materia culparum, unde odium surgit, animositas inde procedit, avaritiam zelus inflamat dum suo quis non potest esse contentus, videns alterum ditionem, ambitionem zelus excitat, dum cernit quis alium in honoribus auctiorem, zelo excitante sensus nostros atque in ditionem suam mentis arcana redigente, Dei timor spernitur, magisterium Christi negligitur, judicii dies non providetur, iustitiae superbia, exacerbatur scvitia, perfidia prævaricatur, impatientia cœcultur, furit discordia, ira fervescit, nec se iram potest cohibere vel regere, qui factus est potestatis alienæ, hinc dominicæ pacis vinculum rumpitur, hinc charitas fraterna violatur, hinc adulteratur veritas, unitas scinditur. Est enim invidia animæ tinea, quæ contagione tabescit peccatoris, invidit autem in altero, vel virtutem ejus, vel felicitatem, id est, vel merita propria, vel beneficia divina, in malum proprium bona aliena convertunt invidi, illustrium prosperitate torquentur, aliorum gloriam suam faciunt poenam, quibus cibus laetus non est nec potus jucundus, suspirat semper et ingemiscit et dolet, dumque ab inividis nunquam livor exponitur, diebus ac noctibus pectus obssessum sine intermissione laniatur, mala cetera habent terminum, et quocunque delinquitur delicti consummatione finitur, invidia terminum non habet, permanens jugiter malum et sine fine peccatum, quantoque ille cui invidet successione meliore proficerit, tanto invidus et malevolus in majus incendium livoris ignibus inardescit: quis facile potest, quale sit hoc malum verbis exprimere, quod invidus odio hominis persecutus divinum munus in homine, cum potius amari homo debeat etiam pro sui meriti sanctitate? Tantos invidus habet justa poena tortores, quantos invidiosus habuerit laudatores, siquidem invidiosum facit excellentia meriti, invidum porna peccati. (Hieron.) Inter invidum autem et invidiosum hoc interest quod invidus feliciori invidit, invidiosus autem is est qui ab alio patitur invidiam, invidia enim semper aliena felicitate torquetur et in duplice scinditur passionem, cum aut ipse est in eo in quo aliud esse non vult, aut aliud videns esse meliorem dolet se ei non esse consimilem, pulchre quidam poeta de invidia lusit dicens:

Justus invidia nihil est, quæ protinus ipsum
Auctorem rodit exeruntaque autum.

CAP. XX. — Quibus indiciis invidorum dionoscitur invidia.

(Cypr. et Prosp.) Est enim invidorum vultus mi-

nax et torvus aspectus, pallor in facie, in labiis tremor, stridor in dentibus, verba rabida et effrenata convicia, manus ad cædis violentiam prompta etiam si gladio interim vacua, odio tamen furiata mentis armata, odia intra se invidi abscondunt, in suos cruciatus entriunt, profcientibus invident, peccantibus favent, de bonorum malis gaudent, de profectibus lugent, inimicitis gratuitis ardent, reprehendi peccatoris sui malitiam timent, semper amari nunquam certi, amici diaboli, inimici etiam sui, opinionem bonorum mundati decolorant, in spiritualibus carnalia laudant, ut spiritualia bona eisdem esse persuadent.

CAP. XXI. — Increpacio adversus invidos.

(Cypr.) Quicunque es invidus et malignus visceris, quam sis eis, quos odisti, insidiosus, perniciosus, infestus, nullius magis quam tuæ salutis inimicus! et quisquis ille est, quem zelo persequeris, subterfugere et vitare te poterit, tu te non potes fugere, ubique que fueris adversarius tuus tecum est, hostis semper in pectore est, pernicies intus inclusa est, ineluctabilis catenarum sexu ligatus et vinetus es, invidia etiam dominante captivus es, nec solita illa tibi subveniunt, perseverans malum est hominem persequi ad Dei gratiam pertinentem. Calamitas sine remedio est odisse felicem. Si homo lucis esse cœpisti, que sunt Christi gera, quia lax et dies Christi es. Quid in zeli tenebras ruis? quid te nubilo livoris involvis, quid invidie cœcitate omne pacis et charitatis lumen extinguis? quid ad diabolum cui reouniaveras redis? Quid Cain similis existis? quid sub vestitu ovium lupus latitas? quid gregem Christi, qui Christianum te mentiris infamas? Christi nomes induere et non per Christi viam pergere quid aliquid quam prævaricatio est divini nominis, quam deseratio itineris salutaris? Quapropter considera, o invidus, in quanta cœcitate es, qui alieno profectu defacis, qui aliena exultatione contabescis, quantæ infelicitatis es, qui melioratione proximi deterior existis, perpeude, quæso, quia dum te a labore minime custodis, in antiquam versuti hostis nequitiam cedis, si enim aliena bona diligere voluisses, ea quasi tua propria facere potuisses.

CAP. XXII. — Remedia adversus morbum invidie.

(Cypr.) Hujus autem vitii hoc esse poterit medicina, et istius curatio morbi, si divinis meditationibus et exercitationibus corroboretur animus contra omnia diaboli jacula firmans, et si in manibus divina sit lectio, in sensibus dominica cogitatio, et si oratio jugis omnino non cesset, salutaris operatio perseveret, spiritualibus semper actibus animus occuperetur, ut quotiescumque inimicus accesserit, quoties adire tentaverit, clausum adversum se pectus inventiat et armatum, et qui fueras invidia et labore possessus, omnem illam malitiam qua prius tenebaris abjice, ad viam vitae æternæ vestigiis salutaribus reformare, evelle de pectore tuo spinas et tribulos, venena fellis evome, discordiarum virus excluso.

purgetur mens quam serpentinus livor infecerat, unde vulneratus fueras inde curare, ama eos quos ante oderas, dilige illos quibus injustis obtrectationibus invidebas, bonos imitare si sectari potes, si sectari non potes collectare certe et gratulare melioribus, fac te illis adunata dilectione partipem, fac te consortio charitatis et fraternitatis vinculo cohaeredem, cogita ea quae divina et justa sunt, habes autem multa quae cogites, paradisum cogita, quo Cain non rediit, qui invidia fratrem peremit, cogita celeste regnum, [Forti deest ad] quod non nisi concordes atque unanimis Dominus admittit; cogita quod filii Dei hi soli possint vocari, qui sint pacifici, qui nativitate et lege divina ad similitudinem Dei Patris et Christi respondeant adunati, cogita sub oculis Dei nos stare, spectante ac judicante ipso conversationis ac vitae nostrae curricula decurrere, cogita cito nos ab hoc saeculo migraturos, si enim haec quae dicta sunt cogitaveris et opere impleveris, ab invidiae morbo Deo protegente curari poteris.

CAP. XXIII. — *De natura et origine iræ ac furoris.*

Ira enim ex invidia generatur, cum in externo valneris livore animus sauciatur, et tanto mansuetudo tranquillitatis amittitur, quanto plus invidia cujusque mentem obsederit. Postquam diabolus propter superbiam de coelesti ejectus est beatitudine, invidus et iracundus homini per deceptricem nequitia suæ artus de beatissimis paradisi sedibus expulit seducendo, et haec est natura et initium iræ quæ species est furoris (*Basil.*); inter furorem autem et iram haec est differentia, quia qui irascitur intra animos suos hoc voluit, sicut ex ipso indicatur quod dicitur: « Irascimini et nolite peccare (*Psal.* iv, 5), qui vero furit jam plus aliquid per motum gerit, « furor enim, inquit, eis secundum similitudinem serpentis. » Inter iracundiam autem et iram hoc interest, quod iracundus, semper irascitur, iratus pro tempore concitatur.

CAP. XXIV. — *Qualiter ira vexat iratos ac furibundos.*

(*Cass.*) Ira denique in nostris cordibus incidente, nec judicium recte discretionis acquirere, nec honestæ contemplationis intuitum, nec maturitatem consilii possidere, nec vitæ participes, nec justitiae tenaces, sed ne spiritualis quidem ac veri luminis capaces poterimus existere, quia exacerbatus est, inquit, præ ira oculus mens (*Psal.* vi, 8), nec sapientiae participes efficiam etsi sapientes omnium pronuntiari opinione videamur, quia ira in sinu insipientium requiescit. (*Hieron.*) Duplex autem non solum apud nos, verum etiam apud philosophos iræ nouen accipitur, vel cum injuria lacerari naturalibus stimulis concitatur, vel cum requiescente impetu et furore restricto potest mens habere judicium et nihilominus super eo qui putatur læsisse desiderat ultionem, hoc autem vitium iræ humanitatem et clementiam et mansuetudinem auferit ab eo qui eam familiarius possidet.

A CAP. XXV. — *Quibus indicis dignoscitur iracundia.*

(*Cass.*) Cum miserabilem hic iræ morbus obsederit mentem adversus qui commotus fuerit rancorem animi reservat, negat quidem se verbis irasci, sed reipsa et opere indignari gravissime comprobatur, namque ei [neque eum] congruo sermone compellat, nec affabilitate ei solita colloquitur, sed est ei responsio amara, sermo durus, vultus torvus, aspectus aversus, mens turbida et adversa, quem ira retentat semper paratus ad irridendum, ad exasperandum, ad reprehendendum, et bona ejus non recte pronuntiadum, hoc enim vitium mentem turbat, rectum consilium dissipat, justitiam alienat.

CAP. XXVI. — *Increpatio adversus morbum ire.*

(*Cass.*) Si ad perfectionem tendis, et agonem spiritalem legitime cupis decertare, ab omni ira, et furore alienus existe, audi quid Dominus noster precepit dicens: « Omnis qui irascitur fratri suo, reus erit iudicio (*Matth.* v, 22). » Et Paulus apostolus: « Omnis, inquit, ira et indignatio et clamor et blasphemia tollatur a vobis cum omni malitia (*Ephes.* iv, 31). » Cum dicit, « Omnis ira tollatur a vobis, » nullam penitus velut necessariam et utilem nobis exceptit. Quod autem dicit Psalmista: « Irascimini et nolite peccare (*Psal.* iv, 5), » jubet, nobismetipsis vitiisque nostris ac suggestionibus pravis irasci, et non peccare, ad effectum scilicet eas noxiuum perducere, hoc autem iræ vitium cave ne vel leviter in corde residat tuo, adimit enim ubi fuerit sanctam multarum virtutum catervam, ait enim Scriptura: « Vir iracundus dishonestus est; » et iterum: « Ira in sinu insipientium requiescit; » et: « Iracundus agit sine consilio, et vir animosus parit rixas, vir autem iracundus effudit peccata (*Prov.* xv, 18); » et apostolus: « Ira enim viri justitiam Dei non operatur (*Jac.* i, 20). »

CAP. XXVII. — *Remedia quibus iram de cordibus nostris eradicare possimus.*

(*Cass.*) Haec est hujus morbi medicina perfecta, ut primitus credamus nullo modo sive injustis sive iustis ex causis licere nobis irasci, secundo scientes nos templum Spiritus sancti effici omnino non posse iracundiæ in nobis spiritu commorante, postremo ut cogitemus nequaquam licere nobis orare nec iratos fundere preces ad Deum, et incertum humanæ conditionis statum considerantes quotidie nos credamus e corpore migraturos, nihilque nobis continentia castitatis, nihil jejuniorum, orationum, eleemosynarum, vigiliarumque laboribus conferendum, quibus propter iracundiam solam et odium ab universitatis judice supplicia promittuntur æterna.

CAP. XXVIII. — *De natura et origine tristitiae mortiferæ.*

Ex ira quoque tristitia oritur, quia perturbata mens quo inordinate se concutit, eo addicendo confundit, et cum dulcedinem tranquillitatis amiserit, nihil banc nisi ex turbatione subsequens morbor pascit. Nonnunquam tamen iræ præcedentis viro

subsequi seu concupiscentiae lucrive cujusdam minus indepi generari tristitia solet, cum se harum rerum quadam spe mente concepta quis viderit excidisse, interdum vero etiam nullis existentibus causis diabolico instinctu tanto repente mœrore deprimimur, ut quidquid benigna affabilitate, quidquid competenti confabulatione a quoquam prolatum fuerit, importunum nobis ac superfluum judicetur, nullaque a nobis reddatur eis grata responsio universos cordis nostri recessus selle amaritudinis occupante.

CAP. XXIX. — *De natura et origine tristitiae salutiferae.*

(Cass.) Prædictor egregius de hac tristitia ait: quæ secundum Deum est tristitia, pœnitentiam ad salutem stabilem operatur, hæc enim aut alienum peccatum luget aut proprium, nec de hoc dolet, quod divisa justitia agitur, sed de eo-mœret, quod humana iniquitate committitur, hæc namque tribus generatur modis, primo pro pœnitidine delictorum, secundo pro desiderio perfectionis, tertio pro contemplatione futuræ beatitudinis, his enim indicis salutifera dignoscitur tristitia, est namque obediens, affabilis, humilis, mansueta, suavis ac patiens, habens in semetipsa omnes fructus Spiritus sancti quos enumerat idem Apostolus: « Fructus autem Spiritus est charitas, gaudium, pax, longanimitas, bonitas, benignitas, fides, mansuetudo, continentia (*Gal. v, 22*). » Hec est enim ut dictum est, salubris tristitia, secundum Deum, quæ pœnitentiam ad salutem stabilem operatur, quæ sectatores suos a mundanis et noxiis separat actibus, et ad coeli dirigit arcem. Absque ista enim omnis tristitia tanquam sæculi, et quæ mortem inferat, æqualiter repellenda est, nunc al propositum ordinem iræ mortisferæ revertendum est.

CAP. XXX. — *Qualiter tristitia mortisfera sectatores suos vesat ac propulsat.*

(Cass.) Quem enim hic pestifer possidet morbus ab omni cum separat divinæ contemplationis intuitu, mentemque ejus ab omni puritatis statu labe-factat ac deprimit. Non orationes ei cum cordis alacritate permittit explere, non sacrarum lectionum sinit remedii incubare, tranquillum ac mitem esse non patitur, et ad cuncta operationum vel religionis officia, impatiens et asperum reddit, omnique salubri consilio perdit et cordis constantia perturbata velut amentem facit et ebrium, sensum frangit, quem et obruit desperatione pœnali.

CAP. XXXI. — *Quibus indicis mortisfera declaratur tristitia.*

(Cass.) Hæc vero tristitia asperrima est, impatiens, dura, plena rancore et mœrore infructuoso, ac desperatione pœnali, quem vero possidet ab orationis segregat studio, a lectionis abstractit exercitio, ad sacras meditationes negligentem reddit ei desidem, ad sancta vigiliarum studia tardum facit, et pigrum, universos fructus spiritales evacuat,

A quos novit illa conferre quæ secundum Deum est tristitia.

CAP. XXXII. — *Increpacio adversus morbum mortisferæ tristitiae.*

(Cass.) Quisquis es huic pestifero irretitus morbo, memento quia sicut tinea vestimento et vermis ligno ita tristitia noet cordi tuo. Evome igitur hoc amaritudinis venenum, ut quid enim pro ammissione lucri præsentis tristaris? ut quid pro illato detrimento? ut quid pro irrogatis injuriis? ut quid mortisfera desperatione, pro innumerositate peccatorum tuorum, sicut Cain post fratricidium, et Judas post prodictionem tristando concuteris? Audi dicentem Dominum: « Nolo mortem peccatoris, sed ut convertatur et vivat (*Ezech. xxxiii, 11*), » ubi et quando et in quacunque re tristitia sæculi contra se erexit die ore et opere: « Gaudens gaudebo in Domino, et exultabo in Deo salutari meo (*Isa. lxii, 10*). »

CAP. XXXIII. — *Remedia quibus tristitiam mortisferam de cordibus nostris exterminare possimus.*

(Cass.) Hanc ergo perniciosissimam passionem ita de nobis expellere poterimus, si mentem nostram spiritali meditatione jugiter occupatam futura spe et contemplatione repromissæ beatitudinis erigamos, pro æternarum rerum intuitu semper leti atque immobiles perdurantes, nec casibus dejecti præsentibus nec prosperis fuerimus elati, utraque velut caduca et mox transeuntia contemplantes, et apostolus Jacobus hujus vitii medicinam nobis congruenter insinuat dicens: « Tristatur aliquis vestrum, oret; et quo animo est, psallat (*Jac. v, 13*), » his enim modis universa malarum tristitiarum genera optulante Domino possumus superare si volumus.

CAP. XXXIV. — *De natura et origine avaritiae.*

(Cass.) Avaritia, quæ in Græco dicitur philareria, quæ est simulacrorum servitus, Apostolo dicente, radix omnium malorum, sic enim ait: « Radix omnium malorum est cupiditas, quam quidam appetentes erraverunt a fide et inseruerunt se doloribus multis (*I Tim. vi, 10*). Oritur autem hæc insatibilis pestis ex superbia, quæ est Dei contemptus. Nam angelicus ille ordo, qui de coelo infeliciter cecidit, propter superbiam et avaritiam corruit, ubi et hæc insatibilis rabies avaritia, quæ et cupiditas dicitur, principalem sumpsit originem, dum Dominus concupivit esse similis, eum diceret: « Ponam sedem meam ad aquilonem, et ero similis Altissimo (*Isa. xiv, 14*), » quia avaritia non solam pecunia est, sed etiam altitudinis; per hanc diabolus primos homines de claustris ejecit paradisi, per hanc et Dominum ausu improbo tentavit, cum ei omnia regna mundi ostendit dicens: « Hæc omnia tibi dabo si procidens adoraveris me (*Math. iv, 9*), » haec autem inexplibilis pernicies ut Prosper luculentissimes doctor ait sine superbia inveniri non potest, sic enim ait, sane cupiditas atque superbia in tantum utrum est malum, ut nec superbis sine cupiditate, nec sine superbia possit inveniri cupidus. Denique si

quodlibet peccatum perpetrare non possum nisi meæ delectationi consentiam, quod cupiditatis est proprium, et Dei præcepta contemnam, quod est superbie malum, quomodo non ex cupiditate quæ est radix malorum omnium et ex superbia, quæ initium omnis peccati (*Eccli. x. 15*) dicitur, procedit omne peccatum?

CAP. XXXV. — *Qualiter avaritia vexat avaros.*

(*Cass.*) Avaritia enim quosdam sectatores suos vexat in acclamatione et laude boni nominis facta populari, quosdam de sublimitate honoris, quosdam de acquirendis rebus superfluis; nonnullos de rapientis aliorum facultatibus, nonnullos ut proprias retineant inutiliter divitias propulsat. Solet namque avarus cogitare vel dicere: si pecunias reconditas non habuero, quid filii mei post mortem facient, quid si infirmitas corporis mei evenererit, quid si longa senectus prolongaverit. (*Jerem.?*) Haec et alia his similia trahentes avari pecunias utcunque conquirentes nummos per fas et nefas habere desiderant, et pleno sacello delectantur, currunt enim et discurrunt, nunc huc, nunc illuc, negotiando, rapiendo, mentiendo jurando, rixando, tunc enim putat bonum habuisse se diem, quando denarium reponit avarus in arca et ideo insatiabilis et inexplebilis per omnia turpitudinem genera lascivieque discurrit: ubi pecunias repouant, cui eas credat ambiguus, deinde quid ex iis coemere, qualeque commercium valeat duplicare. Cura graviori distenditur, cumque illi et ex hoc voto [et hoc ex voto] cesserit, avidior famis accrescit avaritiae, tantoque vehementer suscitatur, quanto etiam summa lucri major apponitur. (*Cass.*) Cum pecuniae etenim incremento rabies cupiditatis augetur, sicut enim hydropicus quanto plus bibit, tanto plus sitit, ita avarus quanto magis habet, tanto magis habere desiderat, nihilque aliud respicit cordis intuitu, quam unde pecuniam parare valeat, procreatrix namque est omnium malorum avaritia, quæ sequaces suos ubi spes nummi aliqua potuerit resplendere, nullam fidem exhibere permittit, pro hoc non mendacii, non perjurii, non furti facinus perhorrescit. Fitque per omnia ut aliis venter, ita avaro aurum et spes lucri pro Deo. Unde beatus Apostolus avaritiam simulacrum servitutem (*Col. iii. 5*) pronuntiavit, eo quod figura Dei et imagine prætermissa, quam devote serviens Deo immaculatam in semetipso debuit custodiare, hominum figuræ impressas auro diligere pro Deo maluit et tueri. Cunctos igitur pene omnes agitat avaritia, nullum de his quietum esse permittit: qui nihil habent cupiditate torquentur, illi qui divitias possident sollicitudine cruciantur. Nec ipsis enim bene est, qui recondito auro incubant, imo ipsi est gravius, semper enim sunt anxii, mœsti, solliciti, ne hoc servus auferat, ne sur effodiatur, atque ideo retrudentes illud tenebris, ita abscondunt, ut omnium subterfugiat notionem, nihil ex eo proferentes aliquando ad usum, ne apertio tenebrarum sit causa perdendi, servant autem illud et non utuntur,

A servant inquam, custodes ergo dixerim istos esse [*Forte interponendum nou*] dominos, et alienum attendere diligenter, non proprium convenienter expendere: avarus enim sollicitius servat quam acquirit, molestius custodit quam rapuit: suspirat enim vigilans acquirendo, suspirat dormiens reservando, nec vigilæ lœtæ, nec somnus securus, nec dies lœtus, nec nox quieta est, discurrit, torquetur et gemit, et quasi illi [*F. nil*] proficiat, quod acquirit. Qui possessiōnibus longe lateque diffusis in confusio alium possidere non patitur, dum terminos jungit, fines producit, calumniatur pauperi, mediocrem premit, vicinum excludit, et omnes circumcirca positos infestando ac perseguendo depellit, qui non acquirit, nisi aliis fleverit, lucra non condit, nisi aliis gemuerit: cui B soli bonum est, quod publicum malum est, dum aut fructus servat, aut a nonam capiat, aut inflat pretia, aut fenus exaggerat, dum acquirendi lucra per nocendi exquirit ingenia, cui pupillorum dulcis est gemitus, et viduarum suavis est fletus, dum præda, hujusmodi pascitur, et spoliis talium delectatur. Qui dives est arca, non merito, possessione non genere, nomine non dignitate, cuius avaritiae nec proprium sufficit, nec modum imponit alienum, solet namque avaritia devictum animum quasi ex ratione exhortari cum dicit: valde sine culpa est, quod quædam habenda concupiscis, quia non multiplicari appetis, sed egere pertimescis, et quod male aliis retinet ipse melius expendis.

C CAP. XXXVI. — *Quibus indiciis cognoscitur avaritia.*

(*Cass.*) Quem enim avaritia possidet, magis ad forū quam ad Ecclesiam properari suadet, magis intentis oculis perspicit aurum quam cœlum, magis auro textas et olosericas vestes considerat quam animæ suæ virtutes, magis denarium amat quam pauperem, magis hujus vitæ lucrum, quam animæ sua remedium, magis aurum quam Deum: nullam enim humilitatem, nullam obedientiam, nullam charitatem, nullam reverentiam, nullam virtutem exhibet, sed indignatur ad omnia, et ad singula opera murmurat atque suspirat, et velut equus durissimus ad præcipitum fertur infrenis.

D CAP. XXXVII. — *Increpatio adversus avaros, diversa super hoc testimonia.*

O quisquis es, avaræ et cupide, audi Dominum in Evangelio suo dicentem: « Cavete ab omni avaritia (*Luc. xi. 15*), » et Apostolum comminantem: « Neque avari, neque rapaces, regnum Dei possidebunt (*I Cor. vi. 10*). » Audi et Salomonem dicentem: « Fructum non capiet ex eis (*Eccli. v. 9*); » item: « Avaro nihil est scelestius (*Eccli. x. 9*); » et item alio in loco dicit Scriptura: « Avarus pecunias non impletur (*Eccli. v. 9*). » Pertimesce, o avaræ, has divinarum Scripturarum sententias, et noli in arca cubiculi terreni tuas reponere divitias, sed eas potius per manus pauperum orphanorum, viduarumque, in cœlestibus transmite thesauris. Audi, o avaræ, o cupide, Paulum dicentem apostolum: « Ava-

ritia nec nominetur in vobis (*Ephes.* v, 3). » Item : « Avaritia, quæ est simulacrum servitus (*Col.* iii, 5). » Quam sit hæc rabies humano generi noxia audi adhuc ipsum dicentem apostolum : « Qui volunt divites fieri, incident in tentationem et in laqueum diaboli et desideria multa et nociva, quæ mergunt homines in interitum et perditionem (*I Tim.* vi, 9). » Audi et Jacobum apostolum, ejus noxia vulnera aperientem : « Agite nunc, divites, plorate ululantes in miseriis quæ advenierint vobis : divitiae vestrae putrefactæ sunt, vestimenta vestra a tineis comesta sunt, aurum et argentum vestrūm æruginavit, et ærugo eorum in testimonium vobis erit, et manducabit carnes vestras quasi ignis (*Jac.* v, 1). » His sacris perterritus sententiis, cave, o miser avare, ne aurum retineas in arca, et peccatum in anima, ne vestes in camera, et scelus in conscientia, ne fruges et subsidia in cellaria, et miseram reserves animarum in inferno cum diabolo sine fine miserabiliter crucianandam. Da pauperibus, o avare, quod habes in terra, ut invenias reservatum in cœlo ab angelis, quod pro Christi amore distribuisti pauperibus in terra, si enim in hac vita pauperibus tuam non distribueris substantiam, post mortem autem scias te cum purpurato divite et avaro sine misericordia in inferno cruciandum. « Nihil enim prodest si universum mundum lucraveris, sic Dominus ait, et post mortem detrimentum animæ tuæ patiaris (*Matth.* xvi, 26). » Cave ne cuiquam molestus existas, ne injuste aliquem opprimas, ne potentibus, aut pauperibus, ne viciniis aut extraneis, ne viduis aut pupillis, sua injuste abstrahas, voces enim eorum et lacrymæ ad justum et districtum judicem Deum ascendunt.

CAP. XXXVIII.—*Remedium contra morbum avaritiae.*

(Cass.) Hæc est enim medicina et curatio perfecta, hujus pestiferæ cladis, si super omnia considerantes conditionem fragilitatis humanae, caveamus, ne dies Domini, sicut sur in nocte superveniens, audiamus illud quod in Evangelio divitiæ dictum est : « Stulte, hac nocte animam tuam expetent a te; quæ autem parasti, cuius erunt? » (*Luc.* xii, 20.) qui enim ab hoc vitio sanari desiderat, sine cessatione diem mortis ante oculos præcogitet, et quod post hominem in sepulcro vernis, et post vermem pulvis futurus sit, penset, et ubi tunc erunt ejus divitiae pertractet, hæc et his similia pertractando sit eleemosynis largus, oratione compunctus, timore Domini ornatus, pœnitentia fervens, charitate ardens. Hactenus divina opitulante gratia de quinque spiritualibus vitiis, ut exiguitas nostra potuit, ex orthodoxorum patrum opusculis succinctum huic exceptioni æterna inseruit testimonia, nunc quoque restat, ut de duabus carnalibus, quæ videlicet atque luxuria eo donante, qui abstinentes castasque diligit mentes, carpendo ut cœpimus, pertractemus.

CAP. XXXIX.—*De natura et origine gastrimargiae, quæ interpretatur ventris ingluvies.*

Excepta superbia, quæ est principalis ruina et re-

A gina, materque omnium vitiorum, septem sunt ejus soboles, quinque videlicet, spiritales, id est inanis gloria, invidia, ira, tristitia, avaritia, duoque carnales, ventris ingluvies scilicet, atque luxuria, sunt autem simul octo, principalia vitia, jam de quinque vitiis cum matre sexta pariter supra disputatum est, ab hinc de gastrimargia et luxuria ut octonarium expletant numerum, pertractandum est. Ventris autem ingluvies, quæ et concupiscentia gula dicitur, ubi vel quando, qualiterque sumpsit originem plenius Prosper insinuat dicens : Videamus qualiter illi homines primi commiserint tam grande peccatum quod et ipsos de paradiso projecti, in hoc vite penaliter exiūt, et in eis originaliter totum damnavit genus humanum, prohibitum siquidem a Domino B fuerat quod de ligno scientiæ boni et mali ne comederent, sed gulae vitio decepti comederunt, nisi enim comedissent, perpetuo immortales essent, si sub Deo suo viventes, præceptum quod acceperunt custodissent, nec desererentur a Deo nisi Deum prius ipsi desererent, et idcirco in hanc æruginosam hujus vitae miseriam gulae delicto atque morti traditi sunt dejecti, ubi omnis homo per peccatum nascitur, per laborem vivit, per dolorem moritur.

CAP. XL.—*Qualiter ventris ingluvies vexat ac pre-pulsat amatores suos.*

(Cass.) Tribus enim modis, ventris ingluvies suum quem possidet hominem vexat: primo ut ante horam canonicaem et statutam gulæ causa cibos potumque degustet; secundo quod tantummodo ventris ingluvie et saturitate quarumlibet gaudet escarum; tertio quod accuratioribus et pretiosioribus cibis delectatur, quod nec corporis sui necessitas, nec suæ qualitas personæ congruit: sunt enim, ut Isidorus ait, quatuor genera distinctionum in gulæ appetitu, id est, quid, quando, quantum et quomodo appetatur. Quid ad rem ipsam pertinet quæ appetitur, quando, si ante legitimum tempus quid appetatur. Quantum vero ad immoderationem referatur, quomodo ad impatientiam festinationis accipitur. Gastrimargia enim, id est, ventris ingluvies, quem possidet patienter vivere non permittit. Nam illum nocturnis horis frequenter de suo facit surgere lecto, et ut celeriter ad secessum festinet, certatim cum magno impetu urget. (Hieron.) Digestio ventris et gutteris uno occupatur officio. Nimirum enim eo tempore illum circumdant luxuriosæ cogitationes, quia ubi saturitas et ebrietas fuerint, ibi libido dominatur, numquam ego ebrium castum potabo, qui etsi vino consopitus dormierit, tamen potuit peccare per vinum. Postquam enim a suo misero surrexerit somno-discurrit hic illuc, anxiando, perquirendo, quomodo, qualiter, vel quibus cibis potibusque suum iterum possit onerare ventrem, quacunque enim hora a somno surrexerit, sive media nocte, sive galli canta, sive illucescente die, statim dolorem capit, sensit nimium, sitim ardensem, et statim ut voracissimes lupus avide potum cibumque cum omni anxietate

perquirit, et ubi invenerit, mox labia sicca, fauces amaras, pulmones inflatos, viscera collidentia, vorando ut gluto et gastrimargus refrigerat.

CAP. XLI. — *Quibus possit indicis cognosci gastrimargus, id est, gulæ deditus.*

Quem hæc miserabilis lacerat bestia, his potest diagnosci indicis. Nam deficitiosus semper et avidus est, cibos enim laudiores et pretiosos requirit. Quantacunque ciborum fercula ante se posita viderit, ut de omnibus sumere possit, pertractat, tempus et horam edendi sollicite per horologia anxius investigat, saepiusque egreditur et ingreditur cellam, ac solem velut ad occasum tardius properantem credidit intuetur; si autem disputationem aliquam audierit de abstinentia et jejunio aurem avertit, aliunde fabulas sumit, et ut citius potest illo de loco fugit et quibuscumque potest ingeniiis hue illucque pervolat, inquirendo unde sibi diversos cibos poculaque conficiat, et ut solus hos percipiat horam exspectat secretam.

CAP. XLII. — *Increpacio adversus gulæ deditos.*

Adversus vos, o gastrimargi et gulosi, divina per Evangelium intonat sententia dicens: « Attende ne graventur corda vestra in crapula et ebrietate (Luc. xxi, 34); » et Paulus adversus vos clamitat apostolus: « Esca ventri et venter escis, Deus autem et hunc et hanc destruet (I Cor. vi, 13). » Nam et de vobis idem apostolus dicit: « Quorum Deus venter est et gloria in confusione his qui terrena sapient (Phil. iii, 9). » [Cass.] Considerate quia Sodomitæ non vini crapula, sed saturitate panis submersi sunt, audite Domini prophetam Hierusalem increpantem: « Quid enim peccavit soror tua Sodoma, nisi quia panem suum in saturitate et abundantia comedebat? » Pensate igitur si Sodomitæ de sola nimietate panis corruerunt, quid facient illi qui sano corpore carnium ac vini perceptione immoderata libertate præsumunt, non quantum expedit imbecillitas, sed quantum animi libido suggesserit usurpantes. (Isidor.) Audite pariter, o gulæ dediti, o ebriosi et vinolenti, quam vehementer arguantur commissatio et sumptuosa convivia per prophetam, ita ut comminetur Dominus se non dimissurum hanc iniquitatem his qui eam libenter ambiant; dicit enim per Isaiam: « Ecce gaudium et lætitia, occidere vitulos et jugulare arietes, comedere carnes et bibere vinum, si dimittitur iniquitas hæc vobis, donec moriamini (Isa. xxii, 13). » Sicut omnes carnales cupiditates abstinentia resecantur, ita omnes animæ virtutes edacitatis vitio destruuntur, inde est quod et idem Propheta dicit: « Princeps coquorum destruxit muros Hierusalem, » quia et venter cui servitur a coquis virtutes animæ destruit. Quapropter audiant ebriosi: « Nolite inebrari vino, in quo est luxuria (Eph. v, 18), » audiant et illud prophetum; « Fornicatio et ebrietas auferent cor (Ose. iv, 11), » ebrietas, sicut in Lot, sensus ratione captivat. Audiant qui multum bibunt et non inebriantur:

A « Væ qui potentes estis ad bibendum vinum, et viri fortes ad miscendam ebrietatem (Isa. v, 22); » audiant vino multo dediti et luxuriose viventes per Isaiam prophetam: « Væ qui consurgitis mane ad ebrietatem sectandam usque ad vesperum, ut vino æstuetis (Ibid., 11). » Audiant gulosi, audiant ebriosi apostolum Paulum dicentem: « Non in commissationibus et ebrietatibus (Rom. xiii, 13); » et iterum: « Esca nos non commendat Deo (I Cor. vi, 8). » Quapropter admonendi sunt gulæ dediti ne in eo quod escarum delectationi incumbunt luxuriae se mucrone transfigant. Quanta cibi per esum loquacitas, quanta mentis levitas insidetur aspiciant, ne dum ventri molliter serviunt, vitiorum laqueis crudeliter astringantur.

B CAP. XLIII. — *Remedia contra morbum gastrimargiae id est ventris ingluviem*

Qui autem hoc vitium plene superare desiderat, non solum in sumendis dapibus parcimoniam teneat, ut scilicet refectionem semper esuries temperet, verum etiam accuratiores simul et suaviores epulas, excepta corporis infirmitate et hospitum susceptione, contemnat, (Cass.) et non solum mentem et corpus suum constringat jejunis, verum etiam vigiliis, lectione quoque et crebra compunctione cordis, ubertate quoque lacrymarum et oratione assidua, seu et eleemosynarum largitate, nec non et assiduitate cuiuslibet boni operis, mentemque suam contemplationi divinae defigat amore virtutum potius et pulchritudine celestium delectetur, et ita velut caduca despiciet universa præsentia. Nam et contra triplicem impugnationem quæ in hujus vitii vexatione superius descripta est, triplicem observantiam necesse est custodire, id est, ut primum legitimum tempus et horam absolutionis et refectionis exspectet; secundo ut absque summa necessitate corporis, ut supra dictum est, deliciosas sibi epulas præparare non jubeat; tertio ut qualibuscumque escis vilioribusque contentus sit.

CAP. XLIV. — *De natura et origine luxuriae ac fornicationis.*

(Cass.) Ex quo etiam hic immundissimus spiritus luxuriae atque fornicationis oriatur voce dominica declaratur. « De corde, inquit, exeunt cogitationes malæ, homicidia, adulteria, fornicationes, furtæ, falsa testimonia, » et cætera (Matth. xv, 19), hic enim fornicationis infestissimus morbus, cum a primo tempore pubertatis impugnare incipiat hominum genus, non nisi prius cætera vitia superentur, extinguitur. (Isid.) Oritur etenim luxuria ex vita superbie exemplo primi hominis, qui mox ut per superbiam tumuit contra Deum, statim carnis sensit libidinem, et pudenda operuit. Inter cætera septem vitia, quæ mater vitiorum superbæ generat, fornicatio maxima est scelerum, quia per carnis immunditiam templum Dei violat et tollens membra Christi facit membra meretricis. Diversa sunt autem fornicationis genera. Est autem fornicatio carnalis, in

qua sit corporis inquinatio, est et spiritualis, in qua non corpus polluitur, sed mens inquinatur, de qua Christus ait : « Qui viderit mulierem ad concupiscentum eam, jam moechatus est eam in corde suo (*Matth. v.*, 28). » Omnis enim immunda pollutio, fornicatio dicitur, quamvis quisque diversa turpitudinis voluptate substituatur. (*Hier.*) Ex delectatione enim fornicandi varia gignuntur flagitia, quibus regnum Dei clauditur, et homo a Deo separatur, unde et in veteri lege de nefandis criminibus, quae in occulto sunt, et ei nominare turpissimum est, ne et dicentes os et aures audientium polluerentur, generaliter Scriptura complexa est dicens : « Verecundos vel reverentes facite filios Israel ab omni immunditia, » de qua et Paulus apostolus loquitur : « Fornicatio autem et omnis immunditia aut avaritia nec nominetur in vobis sicut decet sanctos (*Ephes. v.*, 3). » Nam et prophetatum in locis plurimis invenimus, idololatriam fornicationem appellatam, ut illud : « Fornicabantur, inquit, post idola sua et spiritu fornicationis seducti sunt (*Ezech. vi.*, 9). »

CAP. XLV. — Qualiter luxuria vexat luxuriosos.

Plerumque hi, quos haec immundissima vexat passio, turpes et luxuriosos proferunt sermones et nimio libidinis ardore succensi ad speciosas mulierum formas petulantem ingerunt oculos, et anxi et illucque sollicitando currentes, quomodo et ubi qualiterque etiam in nefandissimis criminibus, quod nimis turpe est dicere, suam immundissimam possint explere libidinem. Nam et ideo sepe comptæ pretiosis se induunt vestibus, ut amari possint ab his quos in sua miseria cupiunt participes habere, et qualicunque diabolico stibio et ornatu possunt, suas decolorant facies.

CAP. XLVI. — Quibus possit indicis cognosci luxuriosos.

(*Cypr.*) Quibus est enim vita luxuriosa et impudica frequenter verba vana et falsa atque luxuriosa loquuntur, vagari oculos semper per formas illices et speciosas permittunt, pompatico et illecebrosi gressu incedunt, lasciviam diligunt, libidinem amant, cupiditatem applaudunt, verba multiplicant, gulæ concupiscentias sectantur, ebrietatem diligunt, lites et iras non devitant, avaritiam et phalaryriam non refrenant, otiositatem amant, bonis moribus non delectantur, inter eos qui de castitate et continentia loquuntur tacent, Scripturas divinas, de vita pudica, fastidunt, habitum ordinatum propositumque convenientem tam capillorum quam vestium sicut decet non habent, omnem immunditiam non devitant, sed amant.

CAP. XLVII. — Increpacio adversus luxuriosos et fornicatores.

Audiant luxuriosi qui carnalem sectantur luxuriam Paulum apostolum terribiliter comminantem : « Neque fornicatores, inquit, neque idolis servientes, neque molles, neque masculorum concubitores, neque fures, neque avari, neque ebriosi, neque male-

A dici, neque rapaces regnum Dei possidebunt (*I Cor. vi.*, 9). » Et rursum : « Fornicatores et adulteros judicabit Deus (*Hebr. xiii.*, 4). » Et rursum idem apostolus ait : « Fugite fornicationem, fratres : quodcunque enim peccatum fecerit homo extra corpus est ; qui autem fornicatur, in corpus suum peccat (*I Cor. vi.*, 18). » Audiant et hi qui spiritalem sectantur luxuriam, id est, qui in corde libidini consentiunt, et ad opus concupiscentiae libidinis non pertransirent : « Qui viderit, » inquit Dominus, « mulierem ad concupiscentum eam, jam moechatus est eam in corde suo (*Matth. xxviii.*). » Et per beatum Job dicitur : « Pepigi foedus cum oculis meis, ut ne cogitarem quidem de virgine. Quam enim partem haberet Deus in me desuper, et hereditatem Omnipotens de excelsis (*Job xxxi.*, 1) ? » Nisi enim actori [*Forte auctori*] nostro cogitatio pravi consensus displiceret, nequaquam per Isaiam diceret : « Auserte malum cogitationum vestrarum ab oculis meis (*Isa. i.*, 16). » Et in Evangelio Pharisæis : « Quid cogitatis mala in cordibus vestris (*Matth. ix.*, 4). » [*Ibid.*] Ex corde enim primum fornicationes sunt auferendæ ut non prorumpant in opera, hinc est, quod per prophetam dicitur : « Accingite lumbos vestros super ubera vestra (*Isa. xxii.*, 11), » hoc est, in corde libidines resecate, quae ad lumbos pertinent. Nam cor super ubera est, non in lumbis. Audiant et hi qui sectantur immunditiam, id est, qui non grande putant esse facinus, quod sine concubitu maris et seminae in diversis diabolicis prostitutionibus suam provocant libidinem. Apostolum, inquit, Paulum audiunt dicentem : « Neque immundi regnum Dei possidebunt (*I Cor. vi.*, 10); » et rursum : « Fornicatio et omnis immunditia nec nominetur in vobis (*Eph. v.*, 3). » [*Hier.*] Non enim diceret, « omnem immunditiam, » nisi diversis ex modis influxus seminis fieret, si et sordidissima titillatio carnis. (*Cass.*) Audiant Paulum apostolum dicentem, omnes pariter adulteri, luxuriosi, fornicatores, immundi, molles masculorum concubitores. « Non enim, inquit, vocavit vos Deus in ignominiam sed in sanctimoniam, » itaque qui haec spernit, non hominem spernit, sed Deum qui etiam dedit spiritum suum sanctum in nobis. Et illud : « Hoc est, inquit, voluntas Dei, sanctificatio vestra, ut abstineatis vos a fornicatione, ut sciat unusquisque vestrum vas suum possidere in honore et sanctificatione, non in passione desiderii, sicut et gentes, quæ ignorant Deum (*I Thess. iv.*, 3); » et illud in Epistola ad Hebreos : « Pacem, inquit, sectamini et sanctimoniam, sine qua nemo videbit Deum (*Hebr. xii.*, 14). Hic quoque evidenter sine sanctimonia, quam solet integritatem mentis vel puritatem corporis appellare, pronuntiavit Deum penitus videri non posse, si quidem et hic similiter infert, eumdem sensum explanans, Ne quis fornicator, aut profanus, ut Esau. Audiant hi qui non carnis corruptione sed cordis delinquunt, sententiam sancti Basilii Cæsariensis episcopi. Mulierem inquit ignoro, et virgo non sum, ubi intelligitur non tam in mulieres esse abstinen-

tiam, quam integritatem cordis, unde et Augustinus episcopus: virginitas carnis, corpus intactum, virginitas animæ fides incorrupta.

CAP. XLVIII. — *Remedia contra morbum luxuriæ ac fornicationis, omniumque immundorum nefandorumque criminum.*

(Cass.) Duplex namque oppugnatio est fornicationis atque luxuriæ, armata vitio consurgens ad præsum, et idcirco similiter ei gemina est acie resistenti, si quidem ut morbo carnis animæque concretum virus acquirit, ita nisi utrisque pariter dimicantibus nequeat [nequit] debellari. Nec enim sufficit ei qui ab hoc immundissimo vitio desiderat sanari solum corporale jejunium, nisi præcedat contritus spiritus et oratio, et continua sanctarum Scripturarum meditatio; sed et spiritualis intelligentia et scientia ad expunctionem hujus impurissimæ passionis plurimum prodest, labor etiam opusque manuum ad hujus vitii refrenationem optime adjuvat, et ante omnia humilitas vera, sine qua nullius vitii penitus poterit unquam triumphus acquiri, summo etenim studio ad excoctionem istius morbi parcimonia jejuniorum sectanda est: ne escarum abundantia reflecta caro rectorem suum spiritum dejiciat. Hic enim morbus cum corporis afflictione et contritione cordis solitudine quoque ac remotione indiget, ut possit ad integrum sanitatis statum perniciosa æstuum febri deposita pervenire. Valde enim noxium est, in oculorum fornicatorum obtutibus, speciosas habere formas, et non solum speciosas, verum etiam quallesunque ubi fornicatio aut fornicationis suspicio esse potest. (Hier.) David enim sanctus, et secundum cor Domini electus, Bersabeæ captus est nuditate, quapropter adulterio junxit homicidium. Salomon enim quod noluit recedere a mulieribus, recessit a Domino, et ne aliquis de sanguinis propinquitate confidat, in illicitum Thamar sororis Ammon frater exarsit incendium. (Cass.) Valde enim prodest ad extinguendum fornicationis ardorem longe recedere ab his quorum aspectus nos pertrahere et provocare potest ad incitamentum libidinis: illud enim primitus expiandum est, unde fons vitæ mortisque manare cognoscitur, dicente Salomone: « Omni custodia serva eorū tuum (Prov. iv, 23); » exinde enim procedunt cogitationes luxuriosæ, dicente Dominō: « De corde enim exeunt cogitationes malæ, homicidia, adulteria, fornicationes, etc. (Matth. xv, 19), » sed et qui pleniter vult suggestionem hujus diabolice calliditatis extinguere, primum recordationem omnium seminarum de corde suo expellere festinet, earumque consortium quibusunque congruis modis potest effugiat. Unde et beatissimus antistes Ambrosius inter cætera ait, si intraveris in castellum ne appropinques mulieribus et non demoreris in sermonibus apud illam, quomodo enim si quis deglutiat hamum, sic attrahitur anima tua. Nam et optime juvat ad extinguendam fornicationis flammam recordatio perpetue damnationis ignisque æterni et præteriorum rememoratio scelerum seu

A et præmeditatio mortis, diesque tremendus futuri judicii, sed et pro absolutione præteriorum delictorum, et pro adipiscenda perpetua mentis et corporis puritate multum adjuvat eleemosynarum pia largitio, et quod majus est, hunc immundissimum fornicationis spiritum, omni mentis intentione non nostris viribus confidentes credamus nos expugnare posse, hoc enim persicere industria humana non prævalet, sed opitulatio et misericordia Domini, nec labore et studio proprio victoram obtainere nos posse credamus, nisi fuerimus divino auxilio ac protectione suffulti, impossibile est enim hominem suis, ut ita dixerim, pennis ad tam præcelsum cœlestisque præmium subvolare, nisi eum gratia Dei de terræ luto et cœno munere castitatis eduxerit. Quapropter, ut B cuncta hujus morbi remedia breviter replicem: oportet eum, qui ab hac pestifera valetudine vult curari, imprimis indesinenter nocturnis et diuturnis precibus a Domino se postulet purgari, vigiliisque, lectionibus sacris scripturarum, meditationibus, compunctione scilicet, contritione cordis et corporis remotione, manuum operatione, atque indefesso jejunio pervigilet. Huc usque eo quo sancti ecclesiarum Dei doctores octo principalia vitia descripsérunt, prout exiguitas sensus nostri potuit, largiente Domino, ex diversorum patrum edictis de origine, vexatione, indicis, increpationibus remediisque eorumdem vitiorum pauca excerpimus testimonia, nunc quoque restat ut secundum traditionem sanctorum Patrum Ægyptiorum Orientaliumque eadem vitia, eorumque C ordinem, ut honorum omnium auctor dare dignabitur, breviter carpendo prosequamur.

CAP. XLIX. — *De gastrimargia cæterorumque principali vitiorum recapitulatio.*

(Cass.) Gastrimargia græce, latine concupiscentia gulæ, sive ingluvies ventris dicitur. Est enim primum corporale peccatum, per quod primi homines ejectedi sunt de Paradiso et per quod Esau primogenita sua vendidit concupiscentio lenticulam, hoc enim vitium tribus modis videtur regnare in homine, id est: dum homo non necessitate, sed gula concupiscentia anticipare cupit statutam refectionis horam; secundo dum tantummodo ventris ingluvie et saturitate quibus qualibusque escis onerare desiderat ventrem; tertio dum pretiosioribus acculturioribusque oblectatur epulis. Contra hanc triformem rabiem, triformis adhibenda est curatio, id est, ut primum exspectet tempus refectionis legitimum. Tempus enim Christiani hominis legitimum refectionis, nisi pro corporis infirmitate, ante horam diei tertiam auctoritate canonica non est statutum sed prohibitum, secundo ut etiam ipsis [de ipsis] vilioribus cibis, non pro desiderio, sed pro necessitate et sustentatione corporis sumat. Ipsa enim aqua cibique vilissimi si pro desiderio gulæ, et non pro necessitate corporis assumantur, peccatum gastrimargia ex divinis scripturarum testimoniosis esse cognoscitur. Tertio ut qualibuscunque escis vilioribusque contentus sit, sed et per orationem,

jejunium, abstinentiam, assiduitatemque quorumlibet operum bonorum, hoc miserrimum superatur vitium.

CAP. L. — *De fornicatione.*

(*Isid.*) Fornicatio est omnis immunda pollutio. Prima fornicationis oculorum tela sunt, secunda verborum. Sunt autem principalia genera fornicationis duo, primum in qua [*Forte leg.* inquani] sit per commisionem carnis sive cum semina, vel etiam alia quacunque immunditia ad explendum libidinis ardorem. Hæc autem carnalis dicitur fornicatio. Secunda autem spiritualis dicitur fornicatio quæ sola concupiscentia et desiderio perpetratur : de qua Dominus dicit : « Qui viderit mulierem ad concupiscendum eam, jam mœchatus est eam in corde suo (*Matth.* v., 28). » Hæc autem est hujus impurissimæ passionis perfecta curatio, ut subtrahat se modis omnibus ab eorum consortio et visu ubi hæc latitat miserrima passio, et cum oratione assidua, lectione creberrima, vigiliisque continuo recordationem ignis æterni ac timorem præsentię Dei, diemque mortis absque ulla intermissione pertimescat, et jejunia, esuriemque diligit, et saturitatem ventris refugiat. Pulchre sanctus Ambrosius episcopus, ut peritissimus medicus cuidam tale dedit consilium : statue in pondere panem tuum, et bibe mensura aquam tuam, et spiritus fornicationis fugiet a te.

CAP. LI. — *De philargyria.*

(*Isid.*) Philargyria, quæ interpretatur avaritia, sive amor pecuniae, omnium criminum materia est, unde et Apostolus ait : « Radix omnium malorum est cupiditas (*1 Tim.* vi, 10), » omni peccato pejor est, avaritia et amor pecuniarum. Unde per Salomonem dicitur : « Nihil est scelestius quam amare pecuniam (*Ecclesi.* x, 9), » hæc enim animam suam venalem facit, quoniam in vita sua projectit intima sua. Est enim philargyria pestis insatiables, ut ait quidam. Semper, inquit, avarus eget, quia, quanto magis acquirit tanto amplius querit. Non solum desiderio augendi excruciat, sed etiam amittendi metu afficitur, sit enim hæc insatiabilis bestia, in acquirendo, habendo, tenendo, et sicut hydropicus quanto plus bibit, tanto plus sitit, sic et hæc passio ut dictum est, quanto plus habet, tanto plus desiderat. (*Cass.*) Quamvis omni humano generi sit inimica hæc passio, maxime autem monachis, omnibusque clericis divinis consecratis officiis perniciossima est, impugnat enim eos tripliciter. Primo facit eos velle acquirere ea quæ ne antea quidem possederant, sicut Giezi discipulus sancti Elisæi. Unde cum eo æterna lepra sancti Elisæi maledictione perfunditur. Secundo facit eos resumere pecunias, ut Judam proditorem Domini, quas antea, Christum secuti abjecerant. Tertio facit eos aliquam reservare partem, cum de divitiis sæculi ad paupertatem Christi transeunt, ut Aniam et Sapphiram, pro quo una cum eis apostolico ore morte multantur. Hæc est igitur hujus vitii perfecta curatio si illud apostolicum

A recordetur dictum. « Habentes, inquit, victimum et vestitum, his contenti simus (*1 Tim.* vi, 8); » et illud quod in Evangelio diviti dictum est : « Stulte, hac nocte animam tuam expertent a te, quæ autem parasti, cuius erunt? (*Luc.* xii, 20.) » sed et assiduus Dei timor et recordatio præteriorum scelerum et fraterna charitas et opera misericordiae, elemosynarumque pia largitio, spesque futuræ beatitudinis, et oratio cum cordis cognatione [*Forte contritione*], assidua, hanc serpentinam et virulentam mortificant passionem.

CAP. LII. — *De ira.*

(*Cass.*) Iræ duo sunt genera, unum salutiferum, alterum mortiferum. Ira salutaris est, quando homo B contra propria irascitur peccata et contra seipsum indignatur, dum male agit, et contra lascivientes cordis sui motus indignanter infremet, et ea que agere turpe est coram hominibus, vel proloqui, in latebras ascendisse sui pectoris indignatur, angelorum scilicet ac Dei ipsius præsentiam, cui nollat latent secreta, pertimescens. Taliter nos irasci etiam ille propheta docet qui dicit : « Irascimini et nolite peccare (*Psalm.* iv, 5), » id est, irascimini vestris vitiis ac suggestionibus pravis, et nolite peccare, id est, pravas et malas cogitationes vestras ac suggestions ad effectum et opus malum perducere, ille etenim cum aquam de cisterna Bethlemitica coquisset, ea sibi allata, iratus contra cupiditatis sue desideria, statim fudit eam in terra, dicens : « Propitius sit mihi Dominus, non faciam hoc, nam sanguinem istorum hominum qui profecti sunt et animarum periculum bibam (*1 Reg.* xxiv, 7)? » Alia est autem ira mortifera, que multa generat mala, hæc enim si cordi insidet, oculum mentis noxius tenebris obcecat, nec judicium rectæ discretionis acquirere, nec honestæ contemplationis intuitam, nec maturitatem consilii possidere permittit, nec vite participes, nec justitiae tenaces, nec veri luminis capaces poterunt existere morbo huic irreuti, sit autem hæc ira aliquando propria amaritudine; aliquando alterius provocatione diabolico instinctu, hæc autem ira mentem turbat, rectum consilium perdit, que si ratione non regitur, in furorem vertitur, ita ut homo sui animi impotens sit, faciesque non conveniat. Cujus morbi hæc erit medicina perfecta, ut primitas credamus; nullo modo sive injustis, sive justis ex causis licere nobis irasci, dicente Apostolo : « Omnis ira et indignatio tollatur a vobis (*Ephes.* iv, 31). » Nullam reliquit hujus generis iram. Sed et per patientiam et mansuetudinem ac longanimitatem, et per veram cordis compunctionem, et per rationem intellectualem quam Deus inserit mentibus numinis, et per timorem illud [illius] Evangelici dicti : « Omnis qui irascitur fratri suo, reus erit iudicio (*Matth.* v, 22), » et per recordationem orationis Domini nostri Iesu Christi ubi Deo dicitur : « Dimitte nobis debita nostra, sicut et nos dimittimus debitoribus nostris (*Matth.* vi, 12), » optime vincitur.

CAP. LIII. — *De tristitia.*

(*Basil.*) Duo sunt enim genera tristitiae, unum secundum Deum, alterum secundum sacerdotium; illa quæ secundum Deum tristitia est, salutifera est : illa quæ secundum sacerdotium mortifera. Secundum Deum est tristitia, cum pro mandati negligentia vel pro prævaricatione tristamur, secundum quod scriptum est : « Tristitia tenuit me pro peccatoribus derelinquentibus legem tuam. » (*Cass.*) Fit vero hæc tristitia modis tribus : primo, pro pœnitudine delictorum ; secundo, pro desiderio perfectionis ; tertio, pro contemplatione futuræ beatitudinis, de qua et beatus Paulus apostolus : « Quæ secundum Deum est, inquit, tristitia pœnitentiam ad salutem stabilem operatur, sacerdoti autem tristitia est, quæ mortem operatur (*II Cor.* vii, 10). » Cum aliquis de rebus humanis, quæ ad sacerdotium pertinent, contristatur, haec miserabilis passio in bono opere nihil perfidere valet, hæc animum turbat, et sœpe perniciosestissimam desperationem animæ injicit delinquenti, et bonorum futurorum spem abstrahit, fit autem hæc sacerdoti tristitia modis sex, aliquando ex præcedente ira descendit, aliquando pro amissione lucri, aliquando pro detrimento illato advenit, aliquando pro irrogatis generatur injuriis, aliquando de irrationalib[us] mentis confusione procedit, aliquando mortali desperatione pro scelerum magnitudine nascitur. Quæ omnia tristitiarum genera vincuntur per spiritalem lætitiam et meditationem, et per bonorum spem futurorum, et priscarum consolationem Scripturarum, seu et per fraternum in spirituali jucunditate colloquium, sanctorumque operum exercitium.

CAP. LIV. — *De acedia.*

(*Cass.*) Acedia Græce, Latine tedium sive anxietas cordis, vel etiam otiositas dicitur : affinis hæc tristitia, excœcat enim mentem acedia, ab omni contemplatione virtutum et ab universo intuitu spiritualium sensuum facit animam dormitare, sicut beatus [David] eleganter expressit : « Dormitavit, inquiens, anima mea præ tedio (*Psal.* cxviii, 28), » id est, præ acedia. Proprie satis non corpus dixit, sed animam dormitasse, fit enim aliquando in mente, aliquando corpore, aliquando mente simul et corpore, omnibus enim modis Deo famulantibus multum nocere probatur, dum ab omni actu spirituali redduntur otiosi, ac vacui. Hoc autem vitium sancti Ecclesiistarum Dei doctores inter octo vitia principalia non annuntiaverunt, sed sub tristitia titulo eum posuerunt, et in catalogo prædictorum vitiorum, unde acediam substrinxerunt, ut eadem vitia octo fierent, invidiam posuerunt, sed e contra sancti Patres Aegyptii et Palæstini orientaliumque regionum, qui institutiones et correctiones monachorum maxime descripsérunt, in annotatione principalium vitiorum invidiam recte sub superbæ titulo ordinaverunt, acediam vero unum ex octo principalibus vitiis esse affirmaverunt, ob hoc videlicet quod monachis ac solitariis magis experta est hæc passio, et in eremo

A conversantibus infestior hostis ac frequens. Sed quia in prima eorumdem principalium vitiorum descriptione de acedia nil tetigimus, restat quoque ut de origine ac vexatione indicisque et increpationibus remediisque illius, sicut et de cæteris principalibus vitiis excerptissimus, adjuvante Domino, ex sanctorum Patrum opusculis breviter congrua capiamus testimonia.

CAP. LV. — *De natura et origine acediae.*

Oritur autem acedia spiritus ex intermissione et negligentia boni operis, nec non et ex lectionis orationisque tarditate seu et ex hujus sacerdotii tristitia, ac ex aspernatione atque contemptu divinorum et principalium præceptorum.

CAP. LVI. — *Qualiter acedia vexat acediosos.*

(*Cass.*) Quem hæc miserabilis possidet passio ad omne opus bonum facit desidem, pigrum et inertem, non eum in proprio residere loco permittit, lassitudinem corporis cibique esuriem quintam sextaque hora tantam suscitat, ut velut longo itinere, gravissimoque labore confessus sibi lassus videatur, et tunc huc, illuc perambulat anxius, sibiisque ingreditur et egreditur cellam ac solem velut ad occasum tardius properantem crebrius intuetur, omnique actu spiritali redditur otiosus ac vacuus, nihilque aliud procurans, quam ubi quovadis colore occasionem refectionis futuræ valeat preparare, mens enim otiosi nihil aliud cogitare novit, quam de escis ac ventre : « In desideriis enim est, ut sacra testatur Scriptura, omnis otiosus (*Prov.* xxi). »

CAP. LVII. — *Quibus indiciis cognoscitur acediosus.*

(*Cass.*) Beatus Paulus apostolus ut verus et peritisimus medicus acediae vulnera in Epistola ad Thessalonenses pleniter aperit dicens : « Rogamus vos, fratres, ut abundetis magis, et operam detis, ut quieti sitis, et ut vestra negotia agatis et operemini manibus vestris, et ut honeste ambuletis et nullius aliquid desideretis (*I Thess.* iv, 1, 10). » His enim indiciis cognoscitur acediosus, primo quia inquietus est, secundo quia aliena curat negotia, quod curiositatis est malum, tertio quia dignatur propriis operari manibus, quarto quod inhoneste ambulat, quinto quod aliena desiderat. Et in alio loco idem apostolus notat acediosos : « Audivimus, inquit, inter vos quosdam ambulare inquiete, et subjungit statim secundum languorem, qui inquietudinis hujus est radix (*II Thess.* iii, 11) : » nihil, inquit, operantes, » tertium quoque morbum, qui ex isto velut quidam ramusculus oritur, « sed curiose agentes. » Ecce in hac sententia acediosos inquietos esse, et otiosos, ac curiosos confirmat, quem enim hæc miserabilis nequissimaque cruciat passio, ad orationis studium facit pigrum, et desidem et somni telo elidit, ad lectionis vero exercitium fatigatum, inertem, dormitantem reddit et pigrum, et quasi toto corpore vermis graviter scatentem, ad exercitationem quoque cuiuslibet boni operis tardum facit et

pigrum, et ut ab oratione, a lectione, a prædicatione, ab honesta et sancta collocutione, necnon et ut ab exercitatione boni operis, se celeriter possit subtrahere, diversas ac multiplices cogitatione et opere inquirit occasiones et causas.

CAP. LVIII. — *Increpatio contra spiritum acediæ; diversa super hoc testimonia.*

(*Cass.*) Ut quid, infelix anima, talibus inimicorum machiis impedita, acediæ spiritu, velut ariete valdissimo fatigata, somni telo elitus concidit, aut cellulæ tuæ ostiis abscidit. Non enim declinando acediæ impugnationem fugies, sed resistendo superabis. Quisquis es, o monache, qui spiritu acediæ vexaris, audi antiquissimam verissimamque a sanctis Patribus prolatam sententiam, operantem monachum dæmone uno pulsari, otiosum vero innumeris spiritibus devastari. Audi sanctam et verissimorum Patrum sententiam: Qui accidiam superare desiderat, nec somnum diligit, nec cellulam deserat, sed vigiliis et orationibus insistat, et cellulæ suæ claustris operibus manuum suarum intentus consistat. Audi et sanctum Ambrosium episcopum dicentem: Si spiritus acediæ ascendit in te, domum tuam non derelinquas, et ne derelinquas in tempore luctum utillem, spiritum acediæ abigunt lacrymæ, spiritum autem tristitiae conturbat oratio; et ne des te ipsum somno multo, quia somniculosus et acediosus monachus incedit in malis, qui autem vigilat, sicut passer erit; somnus multus adducit tentationes, qui autem vigilat effugiet eas. (*Cass.*) Audiant pariter omnes, in sanctæ matris Ecclesiæ gremio constituti, qui acediæ nequissimo spiritu pulsantur, audiant intente sanctorum testimonia Scripturarum, ait Salomon; « In desideriis est omnis otiosus (*Prov. xxxi*), » in desideriis scilicet malis. De hoc inertiae morbo rursus idem Salomon ita commemorat: « Vix nihil operantium stratæ sunt spinis (*Ecli. xxxii*, 29), » id est, vitiis. Item: « Multa enim mala docuit otiositas (*Prov. xxviii*, 19), » et iterum: « Qui sectatur otium replebitur paupertate, » vel visibili scilicet, vel invisibili. De hac autem otiosi paupertate alibi quoque ita describitur: « Et [veste] vestietur conscientia et pannosa omnis somniculosus: » id est, non merebitur illo vestimento ornari, de quo Apostolus præcepit: « Induite vos Dominum Iesum Christum (*Rom. xiii*, 14); » et iterum: « Induti lorica justitiae et charitatis (*I Thess. v*, 8), » et de quo etiam Dominus ad Hierusalem loquitur per Prophetam: « Exsurge, exsurge, Hierusalem, induere vestimentis gloria tue (*Isa. lii*, 1). » Audiant et Paulum apostolum omnes acediosi et otiosi: « Si quis non vult operari, non manducet (*II Thess. iii*, 10); » et iterum: « Qui surabatur, jam non furetur, magis autem laboret operando manibus suis quod bonum est, ut habeat unde tribuat necessitatem patientibus (*Ephes. iv*, 28). » Non solum enim verbis damnat Apostolus otiositatem, sed et exemplis: nam cum venisset Corinthum, accessit ad Aquilam et Priscillam, « eo quod ejusdem essent

A artis et manebat cum eis, et operabatur, erat enim scenofactoria artis; » et alibi loquitur: « Quæ mihi necessaria erant, et his qui mecum fuerant, ministrauerunt manus istæ. » Multa enim et infinita mala generat otiositas in mente Christiani, et econtra multa vitia amputat operatio manuum. Quapropter inertiae et otiositatis malum velut serpentem totis viribus fugient Christiani, et manuum suarum operibus bonorumque omnium studiis occupati, in divinis laudibus, corde, ore, et opere, cum sancto David propheta persistant dicentes: « Beati omnes qui timent Dominum, qui ambulant in viis ejus. Labores manuum tuarum, quia manducabis, beatus es, et bene tibi erit (*Psal. cxxvii*, 1). »

CAP. LIX. — *Remedia quibus acediam superare possimus.*

Vincitur autem hic nequissimus acediæ morbus per orationis et vigiliarum instantiam, et per studium lectionis divinæ, et per sacram bonorum hominum collocutionem, et admonitionem, necnon et per recordationem et confessionem peccatorum, seu et per desiderium futuræ beatitudinis, ac per stabilitatem loci devotionisque suæ, et per exercitium cuiuslibet artis et laboris, sed et per infirmitatem corporis, et silentium oris et locutionis, seu et per timorem Domini, ita ut credat se praesentem esse Deum scrutantem corda et renes. Necnon et per refrenationem vanarum cogitationum, propter quod dictum est: « Providebam Dominum in conspectu meo semper, quoniam a dextris est mihi ne commovear (*Psal. xv*, 18), » et per separationem eorum qui jactantiam et otiositatem sectantur et contemplationem divinæ majestatis, ita ut semper se credat assistere ante oculos Dei.

CAP. LX. — *De cenodoxia, id est, vana gloria.*

(*Cass.*) Cenodoxia græce, latine inanis gloria, sive vana gloria dicitur, quæ varia et multiformis atque subtilis est bestia omnibus quos superat nimis nociva, quæ Christianum non solum ut cætera vitia, in parte carnali, sed etiam in spirituali pulsat; ita ut si non potest carnalibus vitiis decipi, spiritualibus successibus acrius sauciatur, et secundum definitionem antiquorum Patrum quindecim modis et eo amplius militem Christi vulnerare conatur, id est, in habitu, in forma, in incessu, in voce, in opere, in vigiliis, in jejuniis, in oratione, in remotione, in lectione, in scientia, in taciturnitate, in obedientia, in humilitate, in longanimitate, tantoque hic morbus perniciosior ad conflictum quanto obscurior ad cavendum. (*Isid.*) fit enim tam in factis quam in dictis, dum sibi magis quam Deo placere, et laudem ab hominibus comparare studet, dum nihil sibi homo arrogare debet propter peccatum. (*Cass.*) Quanto enim haec rabies dejecta fuerit, tanto acrius resurgit ad luctam, omnia vitia superata marcescunt, et devicta per singulos dies infirmiora redduntur, hoc vero dejectum potentius resurgit ad pugnam, et cum putatur extinctum sua morte vivacius convalescit, nec ætate

enim, nec solitudine defervet, quod nec loco novit exaudi [Forte, excludi], nec ætate marcescere, sed de successibus virtutum animatur, et non solum parvus, verum etiam magnos et angelicos viros de culmine virtutum dejicit. (*Joannes.*) Grave est jactantia et vanæ gloriæ vitium et periculosum nimis, et quod de ipso etiam perfectionis fastigio dejicit animas. (*Jesus?*) Est autem species mali hujus duplex quedam, nonnullis enim accidit in ipsis statim initis operum bonorum cum parum aliquid vel abstinentiae impenderint, vel pecuniae in pauperes prærogaverint, et cum de eo ita sentire debeant, qui quasi quod impenderint, adjecerint, ita agunt et ita sentiunt, quasi eminentiores sint illis, quibus aliquid largiti sunt. Alia vero est jactantia et vanæ gloriæ species, cum quis ad summam virtutem perveniens, non totum Deo sed suis laboribus ac studiis deputat, et dum ab hominibus gloriam querit, perdit eam quæ a Deo est, propter quod omni genere fugiamus jactantia vitium, ne forte incurramus eum lapsum quem diabolus incurrit. (*Prosp.*) Hi enim, quos haec vexat passio, laudem humanam de bonis quæ agunt recipere desiderant, et de operibus quorum sibi concii non sunt turpiter jactant, et se ab hominibus prædicari per nefas affectant, sanctosque viros sui compunctione depravant, et ideo bona faciunt aliquando cum magno labore, ut ab hominibus, quibus placere, non Deo, desiderant laudem recipient. Unde et Veritas ait: « Amen dico vobis, receperunt mercedem suam (*Math. vi, 2, 5.*) » Cum enim pro recto opere, ut sanctus papa ait Gregorius, laus transitoria quaeritur, æterna retributione res digna vili pretio venundatur. Cujus miserae passionis haec est perfecta et salubris medicina, recordatio divinae bonitatis assidia, per quam omnia bona humano generi collata fuerunt, sunt eruntque; necnon et oratio continua cum lacrymis cordisque compunctione, et divinarum Scripturarum intentissima lectio, seu et præteriorum recordatio peccatorum, eorumque remembrancem bonorum qui vanæ glotix morbo dejecti sunt, sed et recordatio Domini sententiae: « Quomodo, inquit, potestis vos credere qui gloriam ab invicem acceperitis, et gloriam quæ a solo Deo est non queritis (*Joan. v, 44.*) »; et apostoli Pauli: « Si hominibus placerem, Christi servus non essem (*Gal. i, 10.*) »; et: « Nolite fieri inanis gloriæ cupidi (*Gal. v, 26.*) »; et sancti David prophete: « Quoniam Deus dissipavit ossa eorum qui hominibus placent (*Psal. lxx, 6.*) »; et super omnia si intentissima divinae bonitatis laus in corde, ore atque opere cum timore mortis, vitæ presentis semper ante oculos cum lacrymis versetur.

CAP. LXI. — *De superbia.*

Superbia est mater et origo ac regina omnium vitiorum per quam angeli cediderunt de cœlo; et sicut est origo omnium criminum, ita ruina cunctarum virtutum, ipsa est enim in peccato prima, ipsa in conflictu postrema, haec enim aut in exordio mentem per peccatum prosternit, aut novissime de virtutibus

A dejicit, et inde omnium peccatorum est maxima, quia tam per virtutes quam per vitia humanam mentem exterminat, omnis peccans superbus est, eo quod faciendo vetita contemptui habeat divina precepta. Recte ergo « initium omnis peccati superbia (*Ecli. x, 15.*) » quia nisi præcesserit mandatorum Dei inobedientia, transgressionis non sequitur culpa. Cujus duo sunt genera, unum quod spiritales summosque pulsat, aliud quod etiam incipientes carnalesque complectitur; et licet utrumque superbie genus tam in Deum quam in homines noxia inflet elatio, tamen illud primum specialiter refertur ad Deum, secundum ad homines proprie pertinet, superbia enim, ut dictum est, omnes pariter virtutes evacuat, cunctaque justitia et sanctitate hominem expoliat; (*Prosp.*)

B et quid amplius, non solum peccatum est ipsa, sed etiam nullum peccatum fieri potest aut potuit, vel poterit sine ipsa. (*Cass.*) Qui morbus licet ultimus sit in conflictu vitiorum atque in ordine ponatur postremus, origine tamen et tempore primus est, sevisimia et superioribus cunctis immanior bestia, perfectos maxime tentans et propemodum jam positos in consummatione virtutum morsu diriore depascens. (*Basil.*) Cognoscitur quidem hic nequissimus morbus ex eo quod semper ea quæ eminentiora sunt querit et exoptat cunctosque despicit, ut cunctis semet ipsum superiore efficiat. (*Cass.*) Curatur autem si credit sententiae ejus qui dixit: « Deus superbis resistit (*Jac. iv, 6.*) », et si se abstrahat et recedat ab omnibus occasionibus elationis, et si vero et humili corde omnibus se vilorem et inferiorem mente et voce credit ac pronuntiet, et si universa quæ fuerint, ei irrogata, tristia, vel damnsa, patientissime toleret, et si semper Domini et sanctorum ejus recolat passiones, et si se cogitet cito de hoc sæculo migratum, et sic certissime credit absque Dei adjutorio nil boni posse cogitare, loqui vel facere, et si orationi, lectioni assidue cum compunctione cordis insistat.

CAP. LXII. — *De sex vitiorum concordia et duorum ab iis dissidentium cognatione.*

(*Serap.*) Haec igitur octo vitia licet diversos ortus ac dissimiles efficientias habeant, sex tamen priora, id est, gastrimargia, fornicatio, phalaryria, ira, tristitia, acedia, quadam inter se cognatione, et ut ita dixerim concatenatione, connexa sunt, ita ut prioris exuberantia sequentis efficiatur exordium. Nam de abundantia gastrimargiae fornicationem, de fornicatione phalaryriam, de phalaryria iram, de ira tristitiam, de tristitia acediam, necesse est pullulare, ideoque simili contra haec modo atque eadem ratione pugnandum est, et a precedentibus semper adversus sequentes oportet nos inire certamina; facilius enim cuiuslibet arboris noxia latitudo ac proceritas exarescit, si ante radices ejus, quibus innititur vel nudatae fuerint, vel succisæ, et infestantes humores aquarum continuo siccabuntur, cum generator earum fons ac profuentes venæ solerti industria fuerint obturatae,

quamobrem ut acedia vincatur, ante superanda tristitia est; ut tristitia propellatur, ira prius est extrudenda; ut extinguatur ira, philargyria calcanda est; ut evellatur philargyria, forniciatio compescenda est; ut forniciatio subruatur, gastrimargiae est vitium castigandum. Residua vero duo, id est cenodoxia et superbia, sibi quidem similiter illa, qua de superioribus vitiis diximus ratione junguntur, ita ut incrementum prioris ortus efficiatur alterius. Cenodoxiae enim exuberantia superbiae somitem parit, sed ab illis sex prioribus vitiis penitus dissident, nec similis cum eis societate fœderantur, siquidem non solum nullam ex illis occasionem suæ generationis accipiunt, sed etiam contrario modo atque ordine suscitantur. Nam illis evulsi hæc eventius [Forte, serventius, vel evidentius] fructificant, et illorum morte vivacius pullulant atque succrescent. Unde etiam diverso modo ab his duobus vitiis impugnamur, in unumquodque illorum sex viiiorum tunc incidimus, cum a præcedentibus eorum sucrimus elisi, in hæc vero duo victores et vel maxime post triumphos periclitamur incurrire. Omnia igitur vicia quemadmodum incremento præcedentium generantur, ita illorum diminutione purgantur, et hac ratione, ut superbia possit explodi, cenodoxia est præfocanda, et ita semper prioribus superatis, sequentia conquiescent, et extinctione præcedentium residuae passiones atque labore marcescent, et licet hæc quæ prædiximus octo vicia illa quam commemoravimus ratione sibi invicem connexa atque permista sint, specialius tamen in quatuor conjugationes et copulas dividuntur. Gastrimargiae namque forniciatio peculiari consideratione fœderatur, philargyriæ ira, tristitiæ acedia, cenodoxiae superbia familiariter conjugatur.

CAP. LXIII. — De origine et qualitate uniuscujusque viti.

(Serap.) Et ut singillatim nunc de uniuscujusque vitiis generibus disputemus, gastrimargiae genera sunt tria: primum quod ad refectionem perurget hominem, ante horam statutam ac legitimam festinare, secundum quod expletione ventris et quarumlibet escarum voracitate latetur, tertium, quod accuratores ac delicatissimos desiderat cibos. Quæ tria non levi dispendio Christianum feriunt, nisi ab omnibus istis pari studio atque observantia semetipsum expedire contenderit. Nam quenadmodum absolutio jejunii ante horam canonicam legitimamque nullatenus presumenda est, ita et ventris ingluvies et escarum sumptuosa atque exquisita præparatio similiter amputanda, ex his enim tribus causis diversæ ac pessimæ valetudines animæ procreantur: nam de prima, congregationis odium gignitur, atque exinde horror et intolerantia ejusdem concrescit habitaculi, quam sine dubio mox discessio, ac fuga velocissima subsequetur. De secunda igniti luxuriae ac libidinis aculei stuscitantur. Tertia etiam inextricabiles philargyriæ laqueos necrit cervicibus captivorum, nec aliquando hominem sinit perfecta Christi

A nuditate fundari. Cujus nobis passionis inesse vestigia, isto quoque deprehensus [Forte, deprehendimus] indicio. Cum forte ad refectionem detentus ab aliquo fratribus, contenti non sumus eo sapore cibos sumere, quo ab exhibente conditi sunt, sed quiddam superfundit eis vel adjici importuna atque effrenata possumus libertate: quod fieri penitus non oportet tribus de causis, primo quia mens Christiani semper debet in omni tolerantia ac parcitatis exercitatione versari, et secundum Apostolum discere in quibus est sufficiens esse. Nullatenus enim poterit vel occulta vel majora corporis desideria refrenare, quisquis degustatione modice insuavitatis offensus, ne ad momentum quidem delicias gutturis sui valuerit castigare; secundo quod nonnunquam evenit ut ad horam de B sit illa species quæ postulatur a nobis, et verecundiam necessitatibus vel frugalitati suspicentis incutimus, publicantes scilicet paupertatem ejus, quam soli Deus cognitam esse maluerat. Tertio quod interdum solet sapor ille, quem nos adipiscimur aliis displicere, et invenimus injuriam multis, dum nostræ gulae ac desiderio satisfacere cupimus, irrogare, propter quod omnimodis hæc in nobis est castiganda libertas. Fornicationis genera sunt tria. Primum quod per commixtionem sexus utriusque perficitur, secundum absque femino tactu, pro quo patriarchæ Iude filius a Domino percussus legitur, quod in Scripturis sanctis immunditia nuncupatur, super quo Apostolus: « Dico autem innuptis et viduis, bonum est illis si sic permanerint sicut et ego, quod si non continent, nubant, melius est enim nubere quam uri (I Cor. vii, 9). » Tertium quod animo ac mente coacipitur, de quo Dominus in Evangelio ait: « Qui videtur mulierem ad concupiscendum eam, jam mortalus est eam in corde suo (Math. v, 28). » Quæ tria genera beatus Apostolus pari modo extingueda prouulians: « Mortificate, inquit, membra vestra, quæ sunt super terram, fornicationem, immunditiam, libidinem, etc. (Colos. iii, 5). » Et iterum de duabus ad Ephesios: « Fornicatio et immunditia nec nominentur in vobis (Ephes. v, 3). » Et iterum: « Illud autem scitote quod omnis fornicator, aut immundus, aut avarus, quod est idolorum servitus, non habet hereditatem in regno Christi et Dei (Ephes. v, 5). » Quæ tria ut a nobis pari observatione caevantur similis nos eorum a regno Christi atque una deterret exclusio. Philargyriæ genera sunt tria, primum quod abrenuntiantes divitias ac facultatibus suis spoliari non sinit, secundum quod ea quæ a nobis dispersa sunt, vel indigentibus distributa, resumere nos majore cupiditate persuadet, tertium quod ea quæ nec antea quidem possedimus desiderari adquirare [acquirive] compellit. Irae genera sunt tria, unum quod exardescit intrinsecus, quod Graece θυμὸς dicitur, aliud quod in verbum et opus effectumque prorumpit quod ὄψη nuncupatur, de quibus et Apostolus: « Nunc autem deponite, inquit, et vos omnem iram, indignationem (Colos. iii, 8). » Tertium quod non ut illa effervens ad horam digeri-

tur, sed per dies et tempora reservatur, quæ illicit. A turda. Tristitia genera sunt duo: unum quod vel iracundia desinente vel de illato damno ac desiderio præpedito cassatoque generatur; aliud quod de irrationali mentis anxietate, seu desperatione descendit. Acedia genera sunt duo: unum quod ad somnum præcipitat æstuantes, aliud quod celum deserere ac fugere cohortatur. Cœnodoxia licet multiformis ac multiplex sit, et in diversas species dividatur, genera tamen ejus sunt duo: primum quo pro carnalibus rebus ac manifestis extollimur. Secundum quo pro spiritualibus et occultis desiderio vanæ laudis inflamur.

CAP. LXIV. — *De varia oppugnatione omnium vitiorum.*

(Cass.) Hæc octo vitia cum omne hominum genus pulsent, non tamen uno modo impetunt cunctos: in alio namque spiritus fornicationis locum obtinet principalem, in alio superequitat furor, in alio cœnodoxia vindicat tyrannidem, in alio arcem superbiam tenet, et cum constet omnes ab omnibus impugnari, diverso tamen modo et ordine singuli laboramus.

CAP. LXV. — *De instituendo adversus vitia certamine secundum ipsorum infestationem.*

(Serap.) Quamobrem ita nobis adversus hæc arripienda sunt prælia, ut unusquisque vitium quo maxime infestatur explorans, adversus illud arripiat principale certamen, omnem curam mentis ac sollicitudinem erga illius impugnationem observatoremque desigens, adversus illud quotidiana jejuniorum dirigenz spicula, contra illud cunctis momentis cordis suspiria crebraque gemituum tela contorquens, adversus illud vigiliarum labores ac meditationes sui cordis impendens, indesinentes quoque orationum fletus ad Deum fundens et impugnationis suæ extinctionem, ab illo specialiter ac jugiter poscens: impossibile namque est de qualibet passione triumphum quempiam promereri, priusquam intellexerit industria vel labore proprio victoriam certaminis semet obtinere non posse; cum tamen, ut valeat emundari, necesse sit eum die noctuque se in omni cura et sollicitudine permanere, cumque se ab ea senserit absolutum, rursus latebras sui cordis simili intentione perlustret, et excipiat sibi quam inter reliquas persperxerit diriorem, atque adversus eam specialius omnia spiritus arma commoveat; et ita semper validioribus superatis celerem de residuis habebit facilemque victoriam, quia et mens triumphorum processu reddetur fortior et insirmior pugna succedens prompiorum ei proventum faciet præliorum; et fieri solet ab his qui coram regibus mundi hujus omnigenis congredi bestiis præmiorum contemplatione consuerunt, quod spectaculi genus vulgo pancarpum nuncupatur, hi, inquam, feras quascunque fortiores robore vel feritatis rabie conspexerunt diiores, adversus eas primæ congressionis certamen arripiunt, quibus extinctis reliquas quæ minus terribiles minusque vehementes sunt exitu faciliore

PATROL. CXII.

B prosternunt: ita et vitiis semper robustioribus superatis atque infirmitioribus succendentibus, parabitur nobis absque ullo discrimine perfecta victoria. Nec tamen putandum quod principaliter quis contra unum dimicans vitium, et velut incautius aliorum tela prospiciens, inopinato ictu facilius valeat sauciari, quod nequaquam fiet; impossibile namque est eum qui pro cordis sui emundatione sollicitus erga impugnationem vitii cuiuslibet intentionem suæ mentis armaverit, adversus cætera quoque vitia generalem quemdam horrorem, et custodiam similem non habere. Quo enim modo vel de illa qua absolvvi desiderat passione merebitur obtinere victoriam, qui se indignum purgationis præmio aliorum facit contagio vitiorum? Sed cum principalis nostri cordis intentio velut speciale sibi pugnam adversus unam exceperit passionem, pro ipsa orabit attentius peculiari sollicitudine ac studio supplicans, ut eam diligentius observare, et per hæc celerem mereatur obtinere victoriam: hunc namque nos ordinem præliorum exercere debere, nec tamen de nostra virtute confidere etiam legislator his docet verbis: Non timebis eos, quia Dominus Deus tuus in medio tui est. Deus magnus et terribilis, ipse consumet nationes has in conspectu tuo paulatim, atque per partes. Non poteris delere eas pariter; ne forte multiplicentur contra te bestiæ terræ, dabitque eos Dominus Deus tuus in conspectu tuo, et interficiet illos, donec penitus delectantur.

C CAP. LXVI. — *De duobus vitiorum generibus et efficientia eorum quadripartita.*

(Cass.) Horum igitur vitiorum genera sunt duo; aut enim naturalia sunt, ut gastrimargia; aut extra naturam, ut philargyria; efficientia vero quadripartita est: quædam enim sine actione carnali consummari non possunt, ut est gastrimargia et fornicatio; quædam vero etiam sine ulla corporis actione complentur, ut est superbiam et cœnodoxia. Nonnulla commotionis suæ causa extrinsecus capiunt, ut est philargyria et ira; alia vero intestinis motibus excitantur, ut est acedia atque tristitia.

CAP. LXVII. — *Recapitulatio de gastrimargia et fornicationis passione et curatione earum.*

Gastrimargia et fornicatio cum naturaliter nobis D insint, nam nonnunquam etiam sine ullo animi incitamento solius instigatione ac pruritu carnis oriuntur, materia tamen ut consummentur egent extrinsecus, et ita in effectum corporali actione pervenient. Hæc duo specialiter vitia quæ ministerio carnis expletantur extra illam spiritalem animæ curam egent peculiarius etiam continentia corporali, quæ jejuniis, vigiliis et operis contritione perficitur, his quæ [hisque] fuerit remotio localis adjuncta, quia sicut amborum vitio, id est, animæ et corporis generantur, ita superari nisi utriusque labore non poterunt.

CAP. LXVIII. — *Quæ carnalia vel quæ spiritualia dicantur esse vitia.*

(Cass.) Quamvis beatus Paulus apostolus omnia

vitia generaliter pronuntiaverit esse carnalia, siquidem inimicitias et iras, atque haereses, inter cetera carnis opera numeraverit, nos tamen ad illorum curationes atque naturas diligentius colligendas duplice ea divisione distinguimus. Nam ex his quædam dicimus esse carnalia, quædam vero spiritalia, et illa quidem carnalia quæ specialiter ad motum sensumque pertinent carnis, quibus illa ita delectatur ac pascitur, ut etiam quietas incitet mentes, invitasque eas nonnunquam pertrahat ad suæ voluntatis assensum, de quibus beatus apostolus: « In quibus, ait, et nos omnes aliquando conversati sumus in desideriis carnis nostræ, facientes voluptates carnis et cogitationum, et eramus natura filii iræ sicut et ceteri (*Ephes.* ii, 3). » Spiritalia vero dicimus quæ instinctu animæ solius orta non solum nihil voluptatis conferunt carni, sed etiam gravissimam eam languoribus afflictionia miserrimæ jucunditatis pastu animam tantum nutriunt ægrotantem, et idcirco hec quidem simplici cordis indigent medicina. Quæ autem carnalia sunt non nisi dupli, quemadmodum diximus, ad sanitatem curatione pervenient, unde puritati studentibus plurimum confert ut harum carnalium passionum ipsas materias sibi primitus subtrahant, quibus potest vel occasio vel recordatio earumdem passionum ægrotanti adhuc animæ generari. Necesse est enim ut morbo dupli duplex adhibetur correctio, nam corporis, ne concupiscentia in effectum tentet prorumpere, necessario effigies et materia illiciens subtrahenda est, et animæ nihil minus ne eam vel cogitationem concipiatur attentior meditatio scripturarum et sollicitudo pervigil ac remotio solitudinis utiliter apponenda. In ceteris autem vitiis humana consortia nihil obsunt, quinimo etiam plurimum conferunt his qui carere iis in veritate desiderant, quia frequentia hominum magis arguuntur, et dum lassissa crebrius manifestantur, celeri medicina pervenient ad salutem.

CAP. LXIX. — *Testimonia diversa super significacionem octo vitiorum.*

De his octo vitiis et in Evangelio ita significatur: « Cum autem immundus spiritus exierit ab homine, ambulat per loca arida, quærens requiem et non inventit, tunc dicit: Revertar in domum meam unde exivi; et veniens invenit eam vacantem, scopis mundatam et ornatam. Tunc vadit et assumit alios spiritus septem nequiores se, et intrantes habitant ibi, et fiunt novissima hominis illius pejora prioribus (*Math. xi, 43*). » Ecce ut ibi septem gentes legimus, excepta Ægyptiorum de qua egressi fuerant filii Israel, ita et hic septem reverti spiritus dicuntur immundi, excepto eo qui ab homine prius narratur egressus. De hoc septenario fonte vitiorum Salomon quoque in Proverbiis ita describit: « Si te rogaverit inimicus tuus vox magna, nec consenseris ei, septem enim nequitæ sunt in anima ejus; » id est, si superatus gastrimargia spiritus cœperit tibi sua humiliatione blandiri, rogans quodammodo ut

A aliquid relaxans a cœpto servare, impertijs ei quod continentiae modum et mensuram justæ distinctionis excedat, ne resolvaris ejus subjectione, vel suggestione, ne arridente impugnationis securitate quæ visideris paullisper a carnalibus incentivis factus quietior, ad pristinam remissionem vel græteritas gulæ concupiscentias revertaris; per hoc enim dicit spiritus ille quem viceras, « Revertar in domum meam, unde exivi » et procedentes ex eo confessum septem spiritus vitiorum erunt ibi aciores quam illa passio quæ ip primordiis fuerat superata, qui se mox ad deteriora pertrahent genera peccatorum.

CAP. LXX. — *Quod, devicta passione gulæ, impendens sit labor ad virtutes cæteras obtinendas*

B Quapropter et continentiae incubantibus nobis festinandum est ut, gulæ passione superata, protinus animam nostram vaenam esse a necessariis virtutibus non sinamus, sed eis universos recessus cordis nostri studiosius occupemus, ne reversus concupiscentiae spiritus inanes nos ab ipsis vacantesque reperiatur, et non sibi jam soli aditum parare contestus, introducat secum in animam nostram septenarium hinc somitem vitiorum et faciat upovissima nostra pejora prioribus. Turpiq[ue] enim erit post hæc et immundior anima ac supplicio graviore plectetur, quæ se renuntiassc huic sæculo gloriatur dominantibus sibi octo vitiis, quam fuerat quondam in sæculo constituta, cum nec disciplinam monachi fuisset professæ nec nomen. Nam et nequiores hi septem spiritus illo priore qui egressus fuerat idcirco dicuntur quia desiderium id gula, id est gastrimargia per se non esset noxia, nisi intromitteret graviores alias passiones, id est, fornicationis, philargyræ, iræ, tristitie, sive superbie, quæ per semet noxia animæ ac peremptoria esse non dubium est, et idcirco perfectio puritatem nunquam poterit obtinere quisquis eam de hac sola continentia, id est, jejuniu corporali speraverit acquirendam, nisi noverit ob id se hanc exercere debere, ut humiliata carne jejuniis, facilius possit adversus alia vicia inire certamen, non insolescente carne saturatis ingluvie.

CAP. LXXI. — *Quod non idem præliorum ordo sit qui ponitur in catalogo vitiorum.*

D Sciendum tamen non eundem esse in omnibus nobis ordinem præliorum, quia, sicut diximus, non uno modo impugnamur omnes, et oportet unamquamque nostrum secundum qualitatem bellum quo principaliter infestatur, concertationum lactaniam arripere, ita ut alium necesse sit adversus vitium, quod tertium ponitur, primum exercere conflictum, alium contra quartum, sive quintum, et ita, propterea ipsa vicia in nobis obtineat principatum, utique impugnationis exigit modus nos quoque oportet ordinem instituere præliorum, secundum quem prædictæ quoque victoriae, triumphique succedens, faciat nos ad puritatem cordis et perfectionis plenitudinem pervenire.

CAP. LXXII. — *Quomodo secundum octo vitia octo gentium numerus impleatur.*

Octo sunt principalia vitia quae humanum impinguant genus, quae figura liter sub gentium vocabulo nominata sunt. Egressis enim ex Aegypto filiis Israel daturum se Dominus repromittit eis septem gentium terras; ita enim dicitur: « Cum introduxerit te Dominus Deu. tuus in terram quam possessurus ingredieris, et deleverit gentes multas coram te, Cethazum, et Gerzezum, Amorrheum, et Chananeum, Pherezatum, et Heveum, et Jebesatum septem gentes multo majoris numeri quam tu es, et robustiores te, tradideritque eas Dominus tibi, perentes eas usque ad internacionem (Deut. vii, 1); » idcirco hic septem connumerantur gentes, eo quod egressis iam de Aegypto et liberatis ab una gente validissima, id est Aegyptiorum, contra has residuas septem gentes quae supra commemorante sunt, simili ratione habere conflictum. Prima scilicet, quae jam devicta, est minime computata, cuius etiam terra in possessionem Israei non datur, sed ut deserat eos perpetuo et egreditur ab ea Domini preceptione sancitur; una quidem gens Aegypti deserit, septem vero jubentur extingui: gens enim Aegypti, quae jubetur deserit, virtus est gastrimargia cui quotidiano commercio nequaquam ex toto carere possumus; debemus enim ex necessitate non ex desiderio alimenta percipere, sicut ait apostolus Paulus: « Et curam carnis ne feceritis in desideriis (Rom. XIII, 14). » Cum enim carnis desideria respuiimus, gentem Aegyptiam deserimus. Reliquas vero septem, quae septem sunt vitia, id est, fornicatio, philargyria, ira, tristitia, acedia, coendoxia, et superbia poenitus jubentur extingui. Quia igitur ex sanctorum Patrum opusculis pauca, donante Deo, de octo vitiis principalibus excerptissimus testimonia, nunc de pugna virtutum vel qualiter cogitatione, locutione et opere perpetrantur peccata carpamus.

CAP. LXXIII. — *Quod contra unumquodque vitium singulæ virtutes sunt opponendæ.*

(Isid.) Igitur contra singula vitia virtutes singulæ opponendæ sunt, et adversus impetus vitiorum contrariis virtutibus est pugnandum; contra ingluviem enim ventris parcitas et abstinentia est opponenda; contra luxuriam cordis, cordis est adhibenda munilita; contra luxuriam carnis, cordis et corporis est castitas exhibenda; contra avaritiam largitas; contra philargyriam, id est, amorem pecuniae, nuditas et expoliatio divitiarum; contra invidiam charitas et fraterna congratulatio; contra odium dilectio; contra ira inoendia mansuetudo; contra tristitiam seculi spiritale gaudium; contra acediam dissolutanque vagationem, stabilitas firma; contra vanam gloriam, Dei timor; contra superbiam diaboli, opponitur humilitas Christi: ita et contra cætera vitia unaquæque propria boni operis virtus opponatur, principalium enim septem vitiorum regina et mater superbia est, eademque septem principalia multa de se parturiunt vitia, quia ita sibi et quadam cognatione junguntur.

A ut ex altero alterum oriatur, sicut David, qui dum non evitavit adulterium perpetravit et homicidium, et qui non restringit niuniam ventris ingluviem cadit infeliciter in luxuriam.

CAP. LXXIV. — *Quibus modis committitur peccatum.*

Quatuor modis committitur peccatum in corde, quatuor perpetratur et opere. Admittitur in corde suggestione dæmonum, delectatione carnis, consensione mentis, defensione elationis. Committitur opere, nunc latenter, nunc palam, nunc consuetudine, nunc desperatione, istis ergo gradibus et corde delinquit et opere malitiae perpetratur. Tribus modis peccatum geritur, hoc est, ignorantia, infirmitate, industria, periculo autem poenarum diverso. Ignorantia namque modo peccavit in parâliso Eva, sicut Apostolus dicit: « Vir non est seductus, mulier autem seducta in prævaricatione fuit (I Tim. ii, 14). » Ergo Eva peccavit ignorantia. Adam vero industria, quia non est seductus, sed sciens prudensque peccavit. Qui vero seducitur, quid consentiat evidenter ignorat. De infirmitate autem Petrus deliquit, quando ad metum interrogantis ancilæ Christum negavit, et post peccatum amarissime levit. Gravius enim infirmitate est quam ignorantia quemquam delinquare, graviusque industria quam infirmitate peccare; industria namque peccat qui studium ac deliberationis [Forte cor. studio ac deliberatione] mentis malum agit, infirmitate autem qui casu vel præcipitatione delinquit. Nequius autem et industria peccant, qui non solum non bene vivunt, sed adhuc bene viventes, si possunt, a veritate divertunt. Sunt enim qui ignorantia peccant, et sunt qui scienter, et sunt etiam qui pro ignorantia excusatione scire nolunt, ut minus culpabiles habeantur, qui tamen se ipsos non minuant, sed magis decipiunt. Nescire simpliciter ad ignorantiam pertinet. Noluisse vero scire ad contumaciam superbiam. Voluntatem quippe proprii domini velle nescire quidem aliud quam velle dominum superbiendo contemnere: nemo ignorantia Dei ignorantia se excusat, quia Deus non solum eos judicat qui a cognitione sua revertuntur, sed etiam illos qui nescierunt, testante eodem Domino per prophetam: « Disperdam, inquit, homines a facie terre, et eos qui avertuntur post tergum Domini et qui non quiescerunt Dominum nec investigaverunt eum (Soph. i, 3). » Et Psalmus: « Effunde, inquit, iram tuam in gentes quæ te non noverunt (Psal. LXXXVIII, 6). » Sunt enim qui levia et minima committunt peccata in cogitatione, locutione, atque opere; sunt et qui gravia perpetrant in cogitatione, locutione, et opere, sceleris. Levia namque in cogitatione admittunt peccata, qui lubricas et ventosas cogitationes delectantur, unde et Dominus per Isaiam prophetam ait: « Auferte malum cogitationum vestrarum ab oculis meis (Isa. i, 16). » Graviter enim in cogitatione delinquunt qui pravas et pestiferas cogitationes in tantum delectantur ut eas ad

effectum perversi operis perducere cupiant, de quibus sacra testatur Scriptura : « Perversæ cogitationes separant a Deo (*Sap.* i, 3). » Leviter enim delinquit sermone qui otiosum verbum loquitur unde, Domino dicente, « reddenda est ratio : » graviter enim peccat in verbo qui falsitatis crimen incurrit, quia os quod mentitur occidit animam. Leviter enim peccat opere qui otiositatem sectatus fuerit, graviter qui furtum et rapinam fecerit, leviter qui pauperem exasperaverit, graviter qui eum expoliaverit, leviter qui mortuum non sepelierit, graviter qui hominem occiderit, et multa his similia in locutione et opere invenies peccata.

CAP. LXXV. — *De his qui cogitatione delinquunt.*

(*Isid.*) Quamvis ab opere malo quisque vacet, pro solius tamen cogitationis pravæ malitia non erit innocens, unde et Dominus per Isaiam : « Auferte malum cogitationum vestrarum ab oculis meis (*Isa.* i, 16), » non solum enim factis, sed et cogitationibus delinquimus, si eis illicite occurrentibus delectemur. Nam cogitationes illicitas occurtere daemonum est, cogitationibus oblectari perversis nostrum est. Scendum autem quia triplex est modus cogitationum nequam : unus earum quæ deliberatione et proposito peccandi mentem contaminant; alias earum quæ delectatione quidem peccati mentem perturbant, nec tamen hanc ad peccandi consensum pertrahunt; tertius earum, quæ naturali motu mentem percurrentes non tam hanc ad patranda vitia illiciunt, quam a nobis, quæ cogitare debuit, impediunt; veluti est cum phantasmata rerum, quæ aliquando supervacue gesta vel dicta novimus, ad memoriam reducimus, quarum crebra retractatio, quasi importuna muscarum improbitas, oculos cordis circumvolare ac spiritalem ejus aciem inquietare magis quam excæcare consuevit. A cunctis autem his cogitationum nequam generibus castigari monuit Salomon, cum dicit : « Omni custodia serva cor tuum, quoniam ex ipso vita procedit (*Prov.* iv, 23), » cuius monita sequentes agamus solliciti, ut si quid consensu perpetrandi facinoris in animo delinquimus, citâ confessione et dignis poenitentiae fructibus abstergamus; si delectatione peccandi nos tentari senserimus, noxiā delectationem crebris precibus ac lacrymis, crebra amaritudinis perpetuae recordatione pellamus; et si nos solos ad hanc propulsandam sufficere non viderimus, fratrum queramus auxilia, ut quod nostris viribus nequimus, illorum consilio et intercessione sumamus. Multum enim valet deprecationis assidua, et sicut idem præmisit : « Oratio fidei salvabit infirmum, et allevabit eum Dominus; et si in peccatis sit, dimittentur ei (*Jac.* v, 15). » Quia si supervacuis cogitationibus ad integrum carere non valemus, has in quantum possumus immissione bonarum cogitationum et maxime frequenti Scripturam meditatione fugemus, juxta exemplum Psalmistæ, qui dicit : « Quomodo dilexi legem tuam, Domine, tota die meditatio mea est (*Psal.* cxviii, 97). »

A Magna itaque observantia circa cordis est custodiā adhibenda, quia aut bonæ, aut malæ rei ibi constituit origo. Nam sicut scriptum est : « Ex corde exirent cogitationes male (*Math.* xv, 29), » ideoque si prius pravæ cogitationi resistimus, in lapsum operis non incurrimus.

Quam periculosum sit cogitationibus malis delectari.

Fuit quidam vir sanctus, Eologius nomine, qui in offerendis sacramentis tantum gratiæ accepérat a Domino ut uniuscujusque accedentium merita culpasque cognosceret. Denique quosdam volentes accedere ad communionem retinebat, dicens : Quomodo ausi estis accedere ad sacramenta divina cum mens vestra et propositum sit in malo? Denique aiebat : Tu

B habuisti cogitationes fornicandi. Tu vero dixisti in corde tuo : Nihil interest sive justus ad sacramenta sive peccator accedit; et alius dubitationem habuit in corde dicens : Quid enim me sanctificare communio potest? Hos ergo singulos removebat a communione sacramenti, et dicebat eis : Secedite pankulum et agite poenitentiam, ut purificati per satisfactionem et lacrymas digni habeamini communione Christi.

CAP. LXXVI. — *Quod omnia cogitationum secreta divinis aspectibus sunt aperta.*

Apertum namque divinitatis indicium est cogitationum nosse secreta, Salomone affirmante, quidem supplicans ait : « Tu enim solus nosti corda omnia filiorum hominum (*Prov.* xv, 11); » et apostolus Paulus : « Vivus est enim sermo Dei et efficax et penetrabilior omni gladio ancipi et pertingens usque ad divisionem animæ ac spiritus, compagnum quoque et medullarum et discretor cogitationum et intentionum cordis, et non est ulla creatura invisibilis in conspectu ejus. Omnia autem nuda et aperta sunt oculis ejus (*Heb.* iv, 12). » Unde etiam Jeremias ait : « Tu autem, Domine Sabaoth, qui judicas juste et probas renes et corda (*Jer.* xi, 20). » Neque hoc transeunter aut negligenter commemoranda, sed solerter invigilandum est, fratres mei, ut non verba tantum et opera nostra, sed ipsa quoque cordium secreta divinis aspectibus digna reddamus. Non in templo nostri pectoris odiorum, non invidiæ rubigo resideat, non inde turpis vel contumeliosi sermonis radix oriatur, non ibi meditatio facti nocentis insascatur, memores Dominicæ communionis qua dicitur : « Ego enim opera et cogitationes eorum venio ut congregem, et expulsis vitiorum ruderibus talem cordis nostri parem mansionem, » cajus ipse dignatur inesse mansor qui ejus inevitabilis inspectio et judex est.

D CAP. LXXVII. — *De his qui sermone offendunt.*

Divina enim Scriptura dicit : « Mors et vita in manibus linguae. » Ideoque valde cavendum est ne ea loquamur unde mors animæ acquiratur; si enim multis modis peccatum in locutione, id est, in otiosis verbis, in vaniloquiis, in multiloquiis, in turiloquiis, in scurrilitatibus risumque moventibus, et

quod deterius est et gravius, in mendaciis, in falsitatis, in derisionibus, in opprobriis, in detractiobibus, in susurrationibus, in maledictionibus, in perjuriis, et in hoc quod ait propheta : « Væ qui dicunt malum bonum, et bonum malum (*Isai. v. 20*), » et cætera his similia : sollicite enim cavendum est non solum a perversis et criminosis sermonibus pro quibus æterna poena exsolvitur, sed etiam ab otiosis et cæteris superfluis verbis refrenanda est lingua : sicut enim falsitatis crimen a proficiensibus pertimescitur, ita otiosa verba a perfectis viris vitantur. Nam sicut, ut ait quidam, pro otioso verbo ratio ponitur, pro sermone injusto poena exsolvitur. Aut enim malum male, aut bonum male proferendo peccamus : malum male loquimur quando quodlibet flagitium persuadere conamur ; bonum male loquimur, quando quocunque rectum arroganter prædicamus : nam et corde male loquimur, quando interius cogitationes noxias meditamur et cogitamus ; lingua male loquimur, quando pro eo quod male agimus flagellamur, et murmuramus ; factis male loquimur, quando male vivendo exemplis nostris alios ad prave agendum informamus : omnibus enim modis cavendæ sunt supra scriptæ locutiones et similia, quia si contra Domini sanctorumque ejus præceptum est, otiosa et scurrilia verba et his similia loqui unde dicente Domino reddenda est ratio, quanto magis perjuri falsitates, maledictiones et cætera talia, pro quibus æterna plectenda damnatio, verbi gratia : « De omni verbo otioso, » ait mundi Salvator, « quod locuti fuerint homines reddent rationem in die judicij (*Math. xii. 36*) : » otiosum quippe verbum est quod uoc dicentis nec audientis habet utilitatem. De mendaciis audi, inquit, gravius : « Os quod mentitur occidit animam (*Sap. i. 11*). » De detractionibus : « Qui detrahit, inquit, eradicabitur. » De maledictionibus : « Neque maledici regnum Dei possidebunt (*I Cor. vi. 10*). » Et cætera talia de similibus verbis.

CAP. LXXVIII. — *De mendacio*

Omne enim mendacium aut fit meditatione, aut præcipitatione, nonnunquam pejus est mendacium meditari quam loqui. Nam interdum quisque incautus solet ex præcipitatione loqui mendacium. Meditari autem non potest nisi per studium grave. Pejus ergo ille ex studio mentiri perhibetur, quam is qui ex præcipitatione sola mentitur. Summopere cavendum est omne mendacium, quamvis aliquando sit aliquod mendacii genus culpæ levioris, si quisquam pro salute hominum mentiatur, sed quia scriptum est : « Os quod mentitur occidit animam (*Sap. i. 11*) ; » et : « Perdes eos qui loquuntur mendacium (*Psal. v. 7*). » Hoc quoque mendacii genus perfecti viri summopere fugiunt, ut nec vita cuiuslibet pro eorum fallacia defendatur, nec suæ animæ noceant dum præstare nituntur alienæ carni, quamquam hoc ipsum peccati genus facilime credimus relaxari. Nam si quælibet culpa sequenti mercede purgatur, quanto magis hæc facile abstergitur, quam

A merces comitatatur. Cavendum namque est omnibus modis mendacium, sive pro malo, sive etiam pro bono proferri videatur, quia omne mendacium non est ex Deo, sed, sicut Salvator ait, « a malo est. »

CAP. LXXIX. — *De diversis mendaciorum generibus.*

Octo enim genera sunt mendacii, ut sanctus Augustinus episcopus in libro de Mendacio dicit. Est, inquit, primum capitale mendacium longeque suigendum, quod fit in doctrina religionis, ad quod mendacium nulla conditione quisquam debet adduci ; secundum ut aliquem lœdat injuste, quod tale est et ut nulli prosit et obsit alicui ; tertium quod ita prodest alteri ut obsit alteri, quamvis non ad immunditiam obsit corporalem ; quartum sola men-

Btiendi fallendique libidine, quod merum mendacium est ; quintum quod fit placandi cupiditate ; sequitur sextum genus, quod et nulli obest et prodest alicui, velut si quispiam pecuniam alicujus injuste tollendam sciens, ubi sit nescire se mentiatur ; septimum quod et nulli obest et prodest alicui, velut si notens hominem ad mortem quæsitum prodere mentiatur, non solum justum atque innocentem, sed et reum qui ex Christiana disciplina sit, ut neque de cuiusquam correctione desperetur neque cuiquam pœnitendi aditus intercludatur. De quibus duobus generibus, quæ solent habere magnam controversiam, satis tractavimus, et quid nobis placet ostendimus, ut suscipiendis incommunitatibus, quæ honeste ac fortiter tolerantur, hæc quoque genera devitentur a fortibus et fidelibus et veracibus viris ac feminis. Non ergo mentiendum quærenti ubi sit qui se fidei cuiuspiam commiserit, sed fortius respondendum : Nec perdam, nec mentiar. Fecit hoc episcopus quondam Tagastensis ecclesiæ, Firmus nomine, firmior voluntate : nam cum ab eo quæreretur homo jussu imperatoris per apparitores ab eo missos quem ad se confugientem diligentia quanta poterat occultabat, respondit quærentibus nec mentiri se posse, nec hominem perdere ; passusque tam multa tormenta corporis (nondum enim erant imperatores Christiani) permansit in sententia. Deinde ad imperatorem ductus usque adeo mirabilis apparuit, ut ipse hominem [*Forte homini*] quem servabat indulgentia [*Forte indulgentiam*] sine ulla difficultate impetraret. Quid hoc fieri potest fortius atque constantius ? Octavum est genus mendacii, quod et nulli obest et adhuc prodest ut ab immunditia corporali aliquem tueatur. In his autem octo generibus tanto quisque minus peccat cum mentitur, quanto emergit ad octavum, tanto amplius quanto mergit ad primum. Quisquis autem esse aliquod genus mendacii quod peccatum non sit putaverit, decipiet seipsum turpiter, cum honestum se deceptorem arbitratur aliorum ; grave [gravius] est enim mendacium, et aliud quodlibet peccatum, quod animo nocens quam quod animo subvenientis efficitur ; tamen nullum mendacium sine peccato ; scriptum est enim : *Os quod mentitur occidit animam, et omne mendacium non est ex Deo, sed a malo*

D

Octavum est genus mendacii, quod et nulli obest et adhuc prodest ut ab immunditia corporali aliquem tueatur. In his autem octo generibus tanto quisque minus peccat cum mentitur, quanto emergit ad octavum, tanto amplius quanto mergit ad primum. Quisquis autem esse aliquod genus mendacii quod peccatum non sit putaverit, decipiet seipsum turpiter, cum honestum se deceptorem arbitratur aliorum ; grave [gravius] est enim mendacium, et aliud quodlibet peccatum, quod animo nocens quam quod animo subvenientis efficitur ; tamen nullum mendacium sine peccato ; scriptum est enim : *Os quod mentitur occidit animam, et omne mendacium non est ex Deo, sed a malo*

est (*Sap.* i, 11), et ideo pro omnibus mendaciis secundum qualitatem modumque mendacii satisfactio et pœnitentia digna agenda est, ne a veritatis judice Deo, qui nec fallit nec fallitur, severiter judicemur.

CAP. LXXX. — *De diversis gravioribus mortalibus que peccatis ac sceleribus quæ perpetrantur locutione.*

Egregius prædictor Paulus generaliter cunctos ab omnibus malis et pestiferis refrenare cupiens sermonibus ait: *Omnis sermo malus de ore vestro non procedat, sed si quis bonus ad edificationem fidei, at det gratiam audientibus* (*Ephes.* iv, 29); et super hæc adjicit: *Notie contristare Spiritum sanctum Dei, in quo signati estis in die redemptionis, quo utique gravius malum nullum esse poterit* (*Ibid.* v. 30). Patet igitur quia omnis sermo prolatus qui non proficit ad ædificationem fidei audientium contristat Spiritum sanctum Dei. Et si sermo prolatus non ædificat, is ab Apostolo Christi est prohibitus, ne Spiritum sanctum contristet, quanto magis ille sermo qui destruit et polluit os dicentis et aures audientis, sicuti est falsitas, detractio, maledictio, et similia!

De falsitate.

Falsus testis, ait Salomon, non erit impunitus. Qui falsum testimonium profert contra proximum suum, extinguetur lucerna ejus in die ultimo (*Prov.* lxx, 9; *ix*, 20).

De detractione.

Qui detrahit fratri, dicit Scriptura, detrahit legi (*Jac.* iv, 11); et Psalmista: *Detrahentem, inquit, occulte adversus proximum suum hunc persecuebar* (*Ps. cx, 5*); et alibi dictum est de eo qui libenter audit detrahentem: *Noli, inquit Scriptura, audire detrahentem, ne forte eradiceris.*

De maledictione.

Apostolus Paulus dicit: *Neque maledici regnum Dei possidebunt* (*I Cor.* vi, 10). Omnis sermo malus qui ob hoc profertur ut infame aliquem, aut male commendet, maledicus est, etiam si videatur non esse injuriosus; confirmat illa sententia: *Maledixerunt, inquit, et dixerunt ei: Tu discipulus illius es* (*Joan.* ix, 28).

De murmuratione.

Dicit enim apostolus Paulus: *Neque murmuraveritis sicut quidam eorum murmuraverunt in deserto et perierunt ab exterminatore* (*I Cor.* x, 10). His enim divinarum Scripturarum testimonii claret quia pro his et similibus vitiis quæ sunt locutione, perpetua imminet poena, nisi in hac vita per satisfactionem et pœnitentiam fuerint deleta.

CAP. LXXXI. — *De his qui opere et acta modis diversis peccant.*

Plura sunt enim peccata levia quæ perpetrantur ope- re, pro quibus in presenti vita necesse est agere pœnitentiam, ne post hujus vite terminum ante oculos nostros adducantur causa accusationis. Nihil enim, ut sit Scriptura, *impunitum derelinquit Dominus.*

A Ideoque non solum gravia sed et levia sunt cavaenda peccata: sancti enim viri sic levia quasi gravissima lugent peccata, multa enim levia unum grande efficiunt, sicut solent parvis et minimis guttis immensa flumina crescere. Numerositas eni in unum coacta exundantem efficit copiam. Sunt et plura gravia et mortalia peccata et crimina quæ perpetrantur actu et opere, pro quibus regnum cœlorum clauditur his qui ea commiserunt, et in hac vita per pœnitentiam et lacrymas et eleemosynas et cetera bona opera non redemerunt: sunt autem hæc, *sacrilegium, homicidium, adulterium, furtum, rapina, atque ebrietas, et cetera similia, quæ Paulus apostolus enumerat.* Quicunque enim aliquid de istis peccatis in se dominare cognoverit, nisi digne se emendaverit, B et si habuerit spatium, longo tempore pœnitentiam egerit, et largas eleemosynas erogaverit, æterna illum flamma sine ullo remedio trucidabit. Sunt autem minima et levia peccata, quoties in cibo aliquis aut potu plus accipiat quam necesse est, quoties plus loquitur quam oportet, plus facit quam expedit, quoties pauperem importune petentem exasperat, quoties cum sit corpore sanus, aliis jejunantibus, prandere voluerit, et somno dedilus tardius ad ecclesiam surgit; quoties, excepto desiderio filiorum, uxorem suam cognoverit; quoties tardius in carcere requisierit, infirmos tardius visitaverit; si discordes ad concordiam revocare neglexerit, si plus aut proximum aut uxorem aut servum exasperaverit; quam oportet, si amplius fuerit blanditus quam oportet, si cuicunque majore possessione aut ex voluntate aut ex necessitate adulari voluerit, si pauperibus esurientibus nimium delicio a vel sumptuosa cibi convivia paraverit, si aut in ecclesia aut extra ecclesiam fabulis otiosis locutus fuerit. Hæc enim et his similia ad minuta peccata pertinere non dubium est, quæ enumerari vix possent. Quibus peccatis quamvis occidi animam non credamus, tamen ita eam velut quibusdam *pustulis et quasi horrenda scabie* repletæ deformem faciunt. Quidquid enim de istis peccatis per orationes et jejunia et eleemosynas, et precipue per indulgentiam eorum qui in nobis peccant, in hac vita redemptum non fuerit, igni purgandum est, de quo Apostolus dicit: *Quia in igne revelabitur, et cuius opus arserit, detrimentum patietur* (*I Cor.* iii, 13).

CAP. LXXXII. — *Item de diversis ac multisiformis modis peccantium.*

(*Isid.*) Sunt enim peccantes quidam qui scienter peccant; sunt et qui ignoranter et alii occulite, et alii necessitate, alii consuetudine et alii amore peccati, et alii non amore peccati, sed timore hominis delinquent.

De his quæ scienter et ignoranter offendunt.

Graviss namque ira Dei est quæ prævocatur quodam ea quæ meretur. Nam meretur, quando ignorando peccavimus; provocatus, quando scimus bonum facere nec volumus.

De manifestis occultisque peccatis.

Major est culpa manifeste quam occulte peccare, dupliciter enim reus est, quia per se delinquit, quod et agit et docet. De talibus Isaías dicit : *Et peccatum suum quasi Sodomā prædicaverunt nec absconderunt* (Isa. iii, 9). Peccatum enim perpetrare crimen est, peccatum enim prædicare clamor est. De quo dicit apostolus Paulus : *Et clamor atferatur a vobis cum omni multitia.*

De his qui peccandi necessitate delinquunt.

Plerique non voluntate, sed sola necessitate peccandi pertimescentes temporalem inopiam, et dum presentis sæculi necessitatem refugunt, a futuris bonis privantur.

De his qui voluntate non necessitate peccant.

Nonnulli peccatum voluntate non necessitate committunt, nullaque coacti inopia existunt iniqui, sed tantum grati cupiunt esse mali.

De his qui consuetudine peccant.

Nequissimam est peccare, pejus est peccatis consuetudinem facere ; ad illud facile ab hoc cum labore resurgitur. dum mala consuetudine repugnatur.

De his qui amore peccati delinquunt.

Quidam et diligunt peccatum et faciunt, quidam diligunt tantum et non faciunt, nonnulli peccatum non faciunt et tamen justitiam odiunt ; gravius autem peccat qui non solum peccatum diligit, sed et facit, quam qui non facit et diligit ; graviusque interdum, qui diligit et non facit, quam qui facit et odit ; gravissimum est non solum facere, sed et diligere peccatum. Sunt qui peracto flagitio mox

A confundantur ; sunt qui non solum non dolent gessisse malum, sed etiam de ipso malo opere gloriantur.

De his qui timore hominum delinquunt.

Sunt quidam miseri qui magis timentes hominem terrenum similem sui, quam Deum creatorem suum, perpetrant sceleris, non cogitantes illud : *Obedire oportet Deo magis quam hominibus* (Act. v, 20) ; melius enim erat illis vitam temporalem perdere quam peccatum committere.

Quod aliquando ex peccatis quedam generantur peccata.

Sepe peccatum alterius peccati causa est, quod cum committitur, aliud ex ipso quasi sua soboles dicitur, sicut fieri solet nasci libidinem ex nimia ventris ingluvie. Poena vero peccati peccatum admittitur, quando pro merito eiusque peccati Deo deserte, in aliud peccatum itur deterius, de quo amplius qui admiserit sordidetur. Ergo præcedens peccatum causa est sequentis peccati, sequens vero peccatum poena est præcedentis delicti. Præcedens itaque peccata sequentium sunt criminum causa, ut illa quæ sequuntur sint præcedentium poena. Præcedentium peccatorum poena ipsa vocatur induratio veniens de divina justitia ; hinc est quod ait propheta : *Indurasti cor nostrum, ne timeremus* (Isai. LXIII, 17) ; neque enim dum quicunque justi sunt a Deo impelluntur ut mali sunt, sed dum mali jam sunt indurantur ut deteriores existant. Huc usque qualiter cogitatione, locutione et opere peccata perpetrantur ex multis sanctorum Patrum edictis pauca, donante Domino, excerpimus quæ forsitan simplicioribus prodesse poterunt.

BEATI RABANI MAURI

FULDENSIS ABBATIS ET MOGUNTINI ARCHIÆPISCOPI

PÖENITENTIUM LIBER

AD OTGARIUM.

PRÆFATIO.

Domino in Domino dominorum dilectissimo, OTGARO archiepiscopo, RABANUS peccator in Christo optat salutem.

Quandiu vos, sancte Pater, sperabantur ad nos venturos, citius fore adventum vestrum optabamus ; sed quia postquam abiistis a nobis, et moestos nos de abscessu vestro reliquistis, orandum nobis esse censemus ut divina majestas, incolumes vos servans, concedat nobis iterum vos sanos fidere, quia sanitas vestra sospitas est nostra : si autem aliquid vobis adversi contigerit, tristes nos ac turbatos sine dubio efficiet. De cetero quoque quia quando hic præstantialiter fuistis, placuit sanctitati vestra cum parvitate nostra aliud tractare atque conferre de

Diversis transgressionibus in quibus fragilis humana divina præcepta transgreditur, quonodo per penitentiam restaurari possint atque Deo reconciliari hi qui in diversis sceleribus prævaricantur legem Dei : ideoque jussisti mihi ut de canonibus et sanc-torum Patrum sententiis breviter excerptem atque in unum colligerem quæ a magistris Ecclesie hujusmodi personis ad emendationem vitiorum promulgata sunt. Fecei quod mandastis, et in uno libelle ea descripsi, quo haberetis in promptu ante oculos ad legendum quod mihi necesse erat ex diversis libris in unum congregare, ut noster labor vestrae voluntati aliquo modo satisfaceret. Et ne forte necessarium vobis foret in diversis voluminibus id querere quod vos jam constat in brevi exquisitum habere, huic quoque